

五

律



水經注卷十三

漢 桑 欽 撰

後魏 酈 道 元 注

濕水

濕水出鴈門陰館縣東北過代郡桑乾縣南

濕水出于累頭山

累力 追反

一曰治水泉發于山側

坡歷澗東北流出山逕陰館縣故城西縣故樓煩

鄉也漢景帝後元三年置王莽更名富臧矣魏天

安三年齊平徙其民於縣立平齊郡濕水又東北



采云摹寫景  
物每以單詞  
取勝讀善長  
妙言要語如  
不欲煩

鍾云妙語居  
要苦不貴多  
便覺奇文滿  
楮

朱云過字好  
改作過字失

古人用字之  
意矣  
譚云附此乃  
更佳

譚云馬智識  
路亦復能作  
堪輿

流左會桑乾水縣西北上平洪源七輪謂之桑乾

泉即潦涪水者也耆老云其水潛承太原汾陽縣

北燕京山之大池池在山原之上世謂之天池方

里餘其水澄渟鏡淨而不流埤按御覽引此若安

定朝那之湫淵也清水流潭皎焉冲照池中嘗無

斥草及其風澤御覽引此作池中曾有有淪輒有小

鳥翠色投淵銜出若會稽之私鳥也當作其水陽

焊不耗李云焊陰霖不濫無能測其淵深也古老

相傳言嘗有人乘車於池側忽過當作大風飄之

於冰有人獲其輪於桑乾泉故知二水潛流通注

矣池東隔阜又有一石池方可五六十步清深鏡

潔不異大宋本池桑乾水自源東南流右會馬邑

川水水出馬邑西川俗謂之磨川矣蓋狄語言譌

馬磨聲相近故爾其水東逕馬邑縣故城南于寶

搜神記曰昔秦人築城於武周塞內以備胡城將

成而崩數矣有馬走一地周旋反覆父老異之因

依以築城城乃不崩遂名馬邑或以為代之馬城

也諸記紛競未識所是漢以斯邑封韓王信後為



匈奴所圍信遂降之王莽更名之曰章昭其水東

流李云流下桑乾水桑乾水又東南流水南有故

城南宋本北臨河又東南右合濕水亂流枝之當

津南分桑乾水又東左合武周塞水孫云地理志作武州水

出故城東南流出山逕日沒城南蓋夕陽西頽戎

車所薄之故城舊本作也榮當作有日中城城東

又有早起城亦曰食時城在黃瓜阜北曲中其水

又東流右注桑乾水桑乾水又東南逕黃瓜阜曲

西又屈逕其堆南徐廣曰猗盧廢嫡子曰利孫干

黃瓜堆者也又東右合枝津枝津上承桑乾河東

南流逕桑郡北孫云當作大魏因水以立郡受厥

稱焉又東北左合夏屋山水水南出夏屋山之東

谿西北流逕故城北所未詳也又西北入桑乾枝

水桑乾枝水又東流津委浪通結兩湖東湖西浦

淵潭相接水至清深晨鳧夕鴈泛濫其上黛甲素

鱗潛躍其下俯仰池潭意深魚鳥所寡唯良木耳

俗謂之南池池北對涅陶縣之故城南故曰南池

也池水又東北注桑乾水為濕水並受通稱矣濕

譚云以時名  
城此又一異

鍾云每於寫  
情肖物不過  
數字語言特  
妙

朱云涅音注  
涅陶屬鴈門  
郡



朱云關清可  
名亭

水又東北逕魏亭西蓋皇魏天賜三年之所經建也濕水又東北逕白狼堆南魏烈祖道武皇帝於是遇白狼之瑞故斯阜納稱焉阜上有故宮廟樓榭基雉尚崇每至鷹隼之秋羽獵之日肆閱清野為昇眺之逸地矣濕水又東流四十九里東逕巨魏亭北又東崞川注之水南出崞山縣故城南王莽之崞張也縣南面玄岳右背崞山處三山之中故以崞張為名矣其水又西出山謂之崞口北流逕繁時故城東王莽之當要也又北逕巨魏亭又

北逕劇陽縣故城西王莽之善陽也

善一作鄴按十三

州志曰在陰館縣東北一百三三里其水又東注于

濕水濕水又東逕班氏縣南如渾水注之水出涼

城旋鴻縣

後魏地形志恒州梁城郡有祗鴻縣一本作祗鴻縣

西南五十餘

里東流逕故城南北俗謂之獨谷孤城水亦即名

焉東合旋鴻池水

孫云後魏書曰代都有旋鴻池

水出旋鴻縣東

山下水即成池北引魚水水出魚谿南流注池池

水吐納川流以成巨沼東西二里南北四里北對

涼州池之南池池方五十里俗名乞伏袁河雖隔



譚云此下當是何字試安之覓視善本看古今人相似否

越山阜鳥道不遠雲霞之間常有埤云下有脫字西南流

逕旋鴻縣南又宋本作右合如渾水是總二水之名矣

如渾水又東南流逕水固縣縣以太和中因山堂

之目以氏縣也水固疑是永固之譌埤考魏書地形志並無此名右會年

水孫云當作羊水水出平城縣之西苑外武周塞北出東

轉逕燕昌城南按燕書建興十年慕容寶自河而

還軍敗於叅合死者六萬人十一年垂衆北至叅

合見積骸如山設策弔之十六國春秋云設祭弔之禮死者父

兄皆號泣哀慟垂慙憤嘔血因而寢疾焉輦過平

城北四十里疾篤築燕昌城而還卽此城也故北

俗謂之老公城也羊水又東注于如渾水亂流逕

方嶺上有文明太皇太后陵陵之東北有高祖陵

二陵之南有冰固堂堂之四周隅雉列榭階欄檻

及扉戶梁壁椽瓦悉文石也檐前四柱採洛陽之

八風谷黑石爲之雕鏤隱起以金銀間雲雉有若

錦焉堂之內外四側結兩石扶疑作帳孫云疑青

石屏風以文石爲緣金隱起忠孝之容題刻貞順

之名廟前鐫石爲碑獸碑石在冢宋本作碑石至佳左右

譚云燦錯如



列柏四周。迷禽閣。日院外西側。有思遠靈圖。圖之西有齋堂。南門表。二石闕。闕下斬山累結御路。下望靈泉宮池。皎若圓鏡矣。羊水又東注如渾水。又南至靈泉池。枝津東南注池。池東西一百步。南北二百步。池渚舊名白楊泉。泉上出白楊樹。因以名焉。其猶長楊五柞之流稱矣。南面舊京北背方嶺。左右山源亭觀繡峙。方湖反景若三山之倒水。下如渾水。又南逕北宮下。舊宮人作薄所在。如渾水又南分爲二水。一水西出南屈入北苑中。歷諸池。

壯語生色

沼又南逕虎園。東魏太平真君五年成之。以牢虎

也。季秋之月。聖上觀宋本作親御園上。勅虎士効力於

其下。事同奔戎。生制猛獸。埤按穆天子傳云有虎

奔戎講生捕虎。必全之。在即詩所謂袒裼暴虎。獻于公所也。故

魏有捍虎圖也。又逕平城西郭內。魏太當當作平七

年所成也。城周西郭外有郊天壇。壇之東側有郊

天碑。建興四年立。其水南又屈逕平城縣故城南

史記曰。高帝先至平城。史記音義曰。在鴈門。即此

縣矣。王莽之平順也。魏天興二年遷都於此。太和



十六年破太華安昌諸殿造太極殿東西堂及朝堂夾建象魏乾先當作元中陽端門東西二掖門雲

龍神虎中華諸門皆飾以觀閣東堂東接太和殿

殿之東階下有一碑太和中立古本有石字是洛陽八

風谷之石古本無此石字緇此下石也殿之東北至蓋天九百一十三字諸本錯入九

卷淇水注中今據宋本改正于此石也殿之東北接紫宮寺南對

承賢門門南即皇信堂堂之四周圖古聖忠臣烈

士之容刊題其側是辯章郎彭城張僧達樂安蔣

少遊于堂南對白臺臺甚高廣臺基四周列壁閣

譚云西苑委何如白臺之新

路自內而升國之圖籙秘籍悉積其下臺西即朱

明閣直侍之官出入所由其水夾御路南流逕蓬

臺西魏神瑞三年又毀建白樓樓甚高竦加觀榭

於其上表裏飾以石粉、晴曜、建素、赭、白、綺、分宋本作粉

故世謂之白樓也後置大鼓於其上晨昏伐以千

椎為城里諸門啓閉之候謂之戒晨鼓也又南逕

皇舅寺西是太師黎昌憑晉國所造憑當作馮璋按後魏書馮

熙字晉國文明太后兄也官定州刺史進爵昌黎王在諸州鎮建佛圖精舍合七十二處孝文即位

為侍中有五層浮圖其神圖像皆合青石為之加



譚云西制作  
西方之制解  
政妙不妨誤  
讀榜嚴在字  
用虛若以為  
悞亦應認作  
作字矣  
朱云敘事中  
忽插一二景  
語精絕

朱云善長所  
引群書不傳  
者甚多如孫  
暢之述畫等

今人何從見

以金銀火齊衆綵之上煒煒有精光又南逕水當

永寧七級浮圖西制甚妙西宋本工在寡雙又南

遠一作出郊郭弱柳陰街絲楊被浦公私引裂用數字

周園挽宋本作長塘曲池所在布濩故不可得而

論也一水南逕白登山西服虔曰白登臺名也去

平城七里如淳曰平城傍之高城若丘陵矣今平

城東十七里有臺即白登臺也臺南對罡阜即白

登山也故漢書稱上遂至平城上白登者也為匈

奴所圍處孫暢之述畫曰漢高祖被圍七日陳平

使能畫作美送與冒頓闕氏恐冒頓勝漢其寵

必衰說冒頓解圍於此矣其水又逕寧先宮東獻

文帝之為太上皇也所居故宮矣宮之東次下有

兩石柱是石虎鄴城東門石橋柱也按柱勒趙建

武中造以其石作工妙徙之於此余為尚書祠部

與宜都王穆罷同拜北郊親所逕見罷當作罷逕

後魏書穆罷襲柱側悉鏤雲炬古本上作蟠螭甚

有形勢信為工巧去子丹碑側遠矣其水又南逕

平城縣故城東司州代尹治皇都洛陽以為恒州



譚云滿幅弘  
規麗制匠石  
之譜賦家之  
材

朱云暫重二  
字有書法

朱云物不停  
固四言耳抵  
後人多少懷  
古詩

水左有大道壇廟始光二年少室道士寇謙之所

議建也兼諸嶽廟碑亦多所署立其廟階五成宋本

作三四周欄檻上階之上以木為員叙碎專極典基令干相枝

梧以板切朱本其上欄陛承阿上員制如明堂而

專室四戶室內有神坐坐右列玉磬皇輿親降受

錄靈壇號口天師宣揚道式暫重漢書當時壇之東北

舊有靜輪宮魏神廡四年造抑亦栢梁之流也

武帝元鼎二年春起栢梁臺服臺高廣超出雲間

欲令上延霄客下絕囂浮太平真君十一年又毀

之物不停固白登亦繼禡矣水右有三層浮圖真

容鷲架悉結石也裝制麗質亦盡美善也東郭外

太和中闔人宕昌公鉗耳處時立祇洹舍於東罽

椽瓦梁棟臺壁櫺陛尊容聖像及牀坐軒帳悉青

石也圖制可觀所恨唯列壁合石踈而不密庭中

有祇洹碑碑題大篆非佳耳然京邑帝里佛法豐

盛神圖妙塔桀時相望法輪東轉茲為上矣其水

自北苑南出歷京城內河于兩湄太和十年累石

結岸夾塘之上雜樹交蔭郭南結兩石橋橫水為



梁又南逕藉田及藥圃西明堂東明堂上圓下方  
四周十二戶九堂而不為重隅也室外柱內綺井  
之下施機輪飾縹仰象天狀畫北通之宿鳥蓋天  
也此處錯簡已正尚有訛誤當  
云畫北辰列宿象蓋天也每月隨斗所建之

辰轉應天道此之異古也加靈臺於其上  
下則引水為辟雍水側結石為塘事準古制是太和中之  
所經建也如渾水又南與武周川水會水出縣西  
南山下二源翼導俱發一山東北流合成一川北  
流逕武周縣故城西王莽之桓周也孫云武周桓  
周字漢志皆

州又東北右合黃山水西出黃阜下重孫云疑  
作東北

流聖山之水注焉水出西山東流注于黃水黃水  
又東注武周川又東歷故亭北右合火山西谿水  
水導源火山西北流山上有火井南北六十七步  
廣減尺許源深不見底炎勢上升常若微雷發響  
以草爨之則煙騰火發東方朔神異傳云南方有  
火山焉長四十里廣四五里其中皆生不燼之木  
晝夜火然鼠雨猛風不滅古本作得雨猛風不滅  
考之神異經云得暴風

譚云神異經  
分語見其火  
常然暴風不  
猛妙又妙接  
猛字古本合  
言之愈明其

不猛本改作鼠雨誤矣鼠雨不滅吳火中有鼠重百斤毛長二尺餘



熾又用意在  
得雨古人用  
古之妙如此

譚云聖水玉  
石同山首陽  
鳥鼠共谷武  
周火井風穴

炎淒一方斯  
亦地情之惟  
幻矣

譚云又備考  
鳥族小物致  
詳見文心之  
開宕

朱云因鳥事  
汎引如許似  
無端而瞻博  
可觀

細如絲，色白，時時出火。神異經作以水逐而沃之，時時出外。

則死，取其毛，績以為布，謂之火浣布。是山亦其類也。但卉物則不能然，其山以火從地中出，故亦名

榮臺矣。榮當作熒，郡國志云連渾府遙火山，山西有火井，炎氣上升，常若微電，以草爨之，烟騰

火發故火井東五六尺，又東有湯井，廣輪與火井

相狀，勢熱又同，以草內之，則不然，皆沾濡露結，故

俗以湯井為目，井東有文井祠，以時祀祭焉。謝云文井

祠當作火井祠，孫云三卷周陽縣注中鴻門縣亦有火井祠。井北百餘步，有東

西谷，廣十許步，南岸下有風穴，厥大容人，其深不

測，而穴中肅肅，常有微風，雖三伏盛暑，猶須襲裘

寒。吹凌人，不可暫停，而其山出雛鳥，形類雅鳥，純

黑而姣好，音與之同，績采紺，發鬣若丹砂，性馴良

而易附，非童幼子捕而執之，曰赤鬣鳥，亦曰阿雛

鳥。按爾雅純黑反，哺謂之慈鳥，小而腹下白不反

哺者謂之雅鳥，白頭而羣飛者謂之燕鳥，大而白

頭者謂之蒼鳥，爾雅曰鷺斯，卑居也。孫爻當作曰

卑居楚鳥，捷為舍人，以為壁屋。當作說文謂之雅

雅楚鳥，莊子曰雅賈矣，馬融亦曰賈鳥者。宋本無者字

水經注 卷十三



朱云綴日新  
眺四字動甚  
然不覺其尖

也。又按瑞應圖有三足鳥赤鳥白鳥之名而無記於此鳥故書其異耳自恒山以北並有此矣其水

又東北流注武周川水武周川水又東南流水側有石祗洹舍并諸窟室比丘尼所居也其水又東

轉逕靈巖南鑿石開山因崖結構其容宋本作真容巨

壯世法所締山堂水殿煙寺相望林淵錦鏡綴日

新眺川水又東南流出山魏土地記曰平城宮西

三十里武周塞口者也自山口枝渠東出入苑漑

諸園池苑圍洛陽殿同宋本作有殿北有宮館一水自

枝渠南流東南出火山水注之水發火山東谿東

北流出山山有石炭火之熱間樵炭也問宋本作同又

東注武周川逕平城縣東南流注如渾水又南流

逕班氏縣故城東王莽之班副也闕駟十三州志

曰班氏縣在郡西南百里北俗謂之去留城也如

渾水又東南流注于濕水濕水又東逕北平邑縣

故城南趙獻侯十三年城平邑地理志曰屬代王

莽所謂平胡也十三州志曰城在高柳南八十里

北俗謂之醜寅城濕水又東逕沙陵南魏金田之



地也事同曹武鄴中定矣濕水東逕猗氏縣故城

北漢書孟康注云猗氏字音權精王莽更名之曰猗聚也十三州

志曰縣在高柳南百三十里俗為之苦力于城矣

濕水又東逕道人縣故城南地理志曰王莽之道

仁也地理風俗記曰初築此城有仙人遊其地故

因以為城名矣今城北有淵潭而不注故俗謂之

為平湖也十三州志曰道人城在高柳東北八十

里所未詳也濕水又東逕陽原縣故城南地理志

曰代郡之屬縣也北俗謂之北邠州城濕水又東

流又東宋本無流又東三字陽水注之水出縣東北澤中北

俗謂之太拔迴水水自源東南流注于濕水又東

逕東安陽縣故城北趙惠文王三年封長子章為

代安陽君此即章封邑王莽之競安也地理風俗

記曰五原有西安陽故此加東也濕水東逕昌平

縣溫水注之水出南墳下三源俱導合而南流東

北逕濕水濕水又東逕昌平縣故城北王莽之長

昌也昔牽招為魏鮮卑校尉屯此濕水又東北逕

桑乾縣故城西又屈逕其城北王莽更名之曰安



德也魏土地記曰代城北九十里有桑乾城城西渡桑乾水去城十里有溫湯療疾有驗經言出南

非也蓋誤證矣魏任城王彰以建安二十三年伐

烏丸入涿郡遂北逐至宋本作逐桑乾止於此也

水入宋本作又東流祁夷水注之周禮嘔夷之川鄭注云嘔夷即祁夷而酈

注滌水云水出平舒縣東逕平舒縣之故城南澤

即嘔夷中史記趙孝成王十九年以汾門子燕易平舒徐

廣曰平舒在代王莽更名之曰平葆後漢世祖建

武七年封陽武將軍馬成爲侯國其水控引衆泉

以成一川魏土地記曰代城西九十里有平舒城

舊本作有西南五里代水所出東北流言代水非

也祁夷水又東北逕蘭亭南又東北逕石門關北

舊道出中山故關也又東北流水側有故池按魏

土地記曰代城西南三十里有代王魚池池西北

有代王臺東去代城四十里祁夷水又東北得飛

狐谷即廣野君所謂杜飛狐之口也蘇林據酈公

之說言在上黨即實非也如淳言在代是矣晉建

興中劉琨自代出飛狐口奔於安次即於此道也



水經注 卷十三  
魏土地記曰代城南四十里有飛狐門門

二門字  
宋本俱

作關水西北流逕南舍亭西又逕句瓌亭西西北注

祁夷水祁夷水又東北流逕代城西盧植言初築此城板榦一夜自移于此故代西南五十里大澤中營城自護結葦爲九門於是就以爲治城圓匝而不方周四十七里開九門更名其故城曰東城趙滅代漢封孝文爲代王梅福上事曰代谷者恒山在其南北塞在其北谷中之地上谷在東代郡在西是其地也王莽更之曰厭狄亭魏土地記曰

城內有二泉一源流出城西門一源流出城北門二源皆北注代水祁夷水又東北熱水注之水出綾羅澤澤際有熱水亭其水東北流注祁夷水又東北谷水注之出昌平縣故城南又東北入祁夷祁夷右會逆水水導源將城東西北流逕將城北在代城東北一十五里疑卽東代矣而尚傳將城之名盧植曰此城方就而板榦自移應劭曰城徙西南去故代五十里故名代曰東城或傳書倒錯情用疑焉而無以辨之逆水又西注于祁夷之水



逆之為名以西流故也。祁夷水東北逕青牛淵水，自淵東注之。耆諺云：有潛龍出於茲浦，形類青牛焉。故淵潭受名矣。潭深不測，而水周多蓮藕生焉。祁夷水又北逕一故城，西西去代城五十里。又疑是代之東城，而非所詳也。又逕昌平郡東。魏太和中，置西南去故城六十里。又北連水入焉。水出雒，晉縣東北流，逕雒。晉縣故城南，又西逕廣昌城。南魏土地記曰：代南二百里，有廣昌城，南通大嶺。卽此非也。十三州記曰：平舒城東九十里，有廣平。

城疑是城也。尋其名狀，忖理為非。又西逕王莽城南，又西到刺山水。注之水出到刺山，西山甚層峻，未有升其嶺者。魏土地記曰：代城東五十里有到刺山，山上有佳大黃也。其水北流，逕一故亭，東城北有石人，故世謂之石人城。西北注連水，又北逕當城縣故城。西高祖十二年，周勃定代，斬陳豨於當城，卽此處也。應劭曰：當桓都山作城，故曰當城也。又逕故代，東而西北流，注祁夷水。祁夷水西有隨山，山上有神廟，謂之女郎祠，方俗所祠也。祁夷



水又北逕桑乾故城東而北流注于濕水地理志曰祁夷水出平舒縣北至桑乾入濕是也濕水又東北逕石山水口水出南山北流逕空侯城東魏土地記曰代城東北九十里有空侯城也其水又東北流注濕水濕水又東逕潘城縣北東合協陽關水水出協溪魏土地記曰下洛城西南九十里

有協陽關關道西通代郡其水東北流歷笄頭山關駟曰笄頭山在潘城南卽是山也又北逕潘縣故城左會潘泉故瀆瀆舊上承潘泉於潘城中或

云舜所都也魏土地記曰下洛城西南四十里有

潘城城西北三里有歷山山上有虞舜廟十三州

記曰廣平城東北一百一十里有潘縣地理志曰

王莽更名樹武其泉從廣十數步東出城注協陽

關水雨盛則通注陽旱則不流唯泝泉而已關水

又東北流注于濕水又東逕雍洛城南魏土地記

曰下洛城西

當作西而西

二十里有雍洛城桑乾水在

城南東流者也濕水又東逕下洛縣故城南王莽

之下忠也魏燕州廣甯縣廣甯郡治魏土地記曰



去平城五十里城南二百步有堯廟濕水又東逕  
三臺北濕水又東逕無鄉城北地理風俗記曰燕  
語呼亡爲無今改宜鄉也濕水又東逕溫泉水注  
之水上承溫泉於橋山下魏土地記曰下洛城東  
南四十里有橋山下有溫泉泉上有祭堂雕簷華  
宇被于浦上石池吐泉湯湯其下炎涼代序是水  
灼焉無改能治百疾是使赴者若流池水北流入  
于濕水濕水又東入得于延水口水出塞外子玄  
鎮西長川城南小山山海經曰梁渠之山無草木  
多金玉脩水出焉東南流逕且如縣故城南應劭  
曰當城西北四十里有且如城故縣也代稱不拘  
名號變改按其城郭相去遠矣地理志曰中部都  
尉治于延水出縣北塞外卽脩水也脩水又東南  
逕馬城縣故城北地理志曰東部都尉治十三州  
志曰馬城在高柳東二百四十里俗謂是水爲河  
頭河頭出戎方土俗變名耳又東逕零丁城南右  
合延鄉水水出縣西山東逕延陵縣故城北地理  
風俗記曰當城西北有延陵鄉故縣也俗指謂之



琦城川又東逕羅亭又東逕馬城北又東注脩水

又東南於

宋本作流

大甯郡北右注鴈門水山海經曰

鴈門之水出于鴈門之山鴈出其間在高柳北高

柳在代中其山重巒疊嶽霞舉雲高連山隱隱東

出遼塞其水東南流逕高柳縣故城北舊代郡治

秦始皇二十三年虜趙王遷國以為郡

當作以國為郡王

莽之所謂厭狄也建武十九年世祖封代相堪為

侯國昔牽招斬韓忠於此處城在平城東南六七

十里於代為西北也鴈門水又東南流屈逕一故

城背山面澤北俗謂之叱嶮城鴈門水又東南流

屈而東北積而為潭其陂斜長而不方東北可二

十餘里廣一十五里蒹葭蘭

一作叢

生焉敦水注之

導

當作其

水導源西北少咸之山南麓東流逕叅合

縣故城南地理風俗記曰道人城北五十里有叅

合鄉故縣也敦水東又澁水注之出東阜下西北

流逕故城北俗謂之和堆城又北合敦水亂流東

北注鴈門水故山海經曰少咸之山敦水出焉東

流注于鴈門之水郭景純曰水出鴈門山謂斯水



譚云疑多一  
澤字

也。鴈門水又東北入陽門山，謂之陽門水。與神泉  
水出葦壁北，水有靈焉。及其密雲不雨，陽旱愆期，  
多禱請焉。水有二流，世謂之比連泉。一水東北逕  
一故城，東世謂之石虎城，而東北流注陽門水。又  
東逕三會亭北，又東逕西伺道城北，又東託台谷  
水，注之水上，承神泉於葦壁北。東逕陽門山南，託  
台谷，謂之託台水。汲引泉谿，澤澤濤，東注行者間。  
一十餘渡，東逕三會城南，又東逕託台亭北，又東  
北逕馬頭亭北，東北注鴈門水。鴈門水又東逕大

甯郡北魏太和中置有脩水，注之。卽山海經所謂

脩水東流注于鴈門水也。地理志曰疑有于延水

而無鴈門脩水之名。山海經有鴈門之目，而燕當

無說于延河自下亦通謂之于延水矣。水側有桑

林，故時人亦謂是水爲藜桑河也。斯乃北土寡桑

至此見之，因以名焉。于延水又東逕罝城南。按史

記蔡澤，燕人也。謝病歸相，秦號罝成君。疑卽澤所

邑也。世名武罝城。疑脫一延水又東左與寧川水

合。水出西北，東南流逕小甯縣故城南。地理志寧



鍾云仙人名  
根之重如此  
朱云仙人要  
人知何用此  
正其落劫處  
然世人懸下  
非作此狡獪  
未能得其信

縣也西部都尉治王莽之博康也魏土地記曰大甯城西二十里有小甯城昔邑人班丘仲居水側賣藥於甯百餘年人以爲壽後地動宅壞仲與里中數十家皆死民人取仲尸棄于延水中收其藥賣之仲被裘從而詰之北疑作人失怖叩頭求哀仲曰不恨汝故使人知我耳去矣後爲大餘王謝云

一作夫驛使永甯瑋云永北方人謂之謫仙也于

延水又東黑城川水注之水有三源出黑土城西北奇源合注總爲一川東南逕黑土城西又東南

流逕大甯縣西而南入延河延河又東逕大甯縣

故城南地理志云廣寧也王莽曰廣康矣魏土地

記曰下洛西北百三十里有大甯城于延水又東

南逕茹縣故城北王莽之穀武也世謂之如口城

魏土地記曰城在鳴雞山西十里南通大道西達

寧川于延水又東南逕鳴雞山西魏土地記曰下

洛城東北三十里有延河東流北有鳴雞山史記

曰趙襄子殺代王于夏屋而并其土襄子迎其姊

於代其姊代之夫人也至此曰代已亡矣吾將何



歸乎、遂磨笄於山而自殺、代人憐之、爲立祠焉、因

名其疑脫一爲磨笄山、孫云磨笄山在今保安州

每夜有野雞羣鳴於祠屋上、故亦謂之爲鳴雞山、

魏土地記云、代城東南二十五里有馬頭山、其側

有鍾乳穴、趙襄子既害代王、迎姊、姊代夫人、夫人

曰、以弟慢夫、非仁也、以夫怨弟、非義也、磨笄自刺

而死、使者自殺、民憐之、爲立神屋於山側、因名之

爲磨笄之山、未詳孰是、于延水又南逕且居縣故

城南、王莽之父居也、舊本作王莽之其水東南流

注于濕水、地理志曰、于延水東至廣寧、入治、非矣

又東過涿鹿縣北

涿水出涿鹿山、世謂之張公泉、東北流逕涿鹿縣

故城南、王莽所謂褫陸也、黃帝與蚩尤戰於涿鹿

之野、留其民於涿鹿之河、卽於是處也、其水又東

北與陂一作阪泉合、其水導源縣之東、泉、魏土地

記曰、下洛城東南六十里有涿鹿城、城東一里有

陂泉、泉上有黃帝祠、晉太康地理記曰、陂泉亦地

名也、泉水東北流、與蚩尤泉會、水出蚩尤城、城無



南古本面魏土地記稱涿鹿城東南六里有蚩尤

城泉水淵而不流霖雨併則流注陂泉亂流東北

入涿水涿水又東逕平原郡南魏徙平原之民置

此故立僑郡以統流離涿水又東北逕祚亭北而

東北入濕水亦云涿水枝分入匈奴者謂之涿耶

地理潛顯難以究昭非所知也濕水又東南左會

清夷水亦謂之滄河也水出長亭南西逕北城村

故城北又西北平鄉川水注之水出平鄉亭西西

北流注清夷水清夷水又西北逕陰莫亭在居庸

縣南十里清夷水又西會牧牛山魏土地記曰沮

陽城東八十里有牧牛山下有九十九泉即滄河

之上源也山在縣東北三十里山上有道武皇帝

廟耆舊云山下亦有百泉競發有一神牛駮身自

山而降下飲泉竭故山得其名今山下導九十九

泉積以成川西南流國

朱本作谷

水與浮圖溝水注之

出夷輿縣故城西南王莽以為朔調亭也其水俱

西南注于滄水又西南右合地裂溝古老云晉世

地裂分此界間成溝壑有小水俗謂之分界水南

譚云壯哉牛飲



流入滄河又西逕居庸縣故城南魏上谷郡治昔  
劉虞攻公孫瓚不剋北保此城為瓚所擒有粟水  
入焉水出縣下城西枕水又屈逕其縣南南注滄  
河又西與右陽溝水合水出縣東北西南流逕居  
庸縣城北西逕大翻小翻山南高巒截雲層陵斷  
霧雙阜共秀競舉羣峯之上郡人王次仲少有異  
志年及弱冠變蒼頡舊文為今隸書秦始皇時官  
務煩多以次仲所易文簡便於事要奇而召之三  
徵而輒不至次仲履真懷道窮數術之美始皇怒

其不恭令檻車送之次仲首發於道古本作首發於道化

為大鳥御覽引作大鳥出在車外翻飛而去落二翻於斯

山故其峯巒有大翻小翻之名矣魏土地記曰沮

陽城東北六十里有大翻小翻山山上神名大翻

神山屋東有溫湯水口其山在縣西北二十里峯

舉四十里上廟則次仲廟也右出溫湯療治萬病

泉所發之麓俗謂之土亭山此水炎熱倍甚諸湯

下足便爛人體療疾者要須別引消息用之耳不

得言孫云謂不得聲言其熱耳言之則更灼熱矣次翻山宋本作大翻山東其

鍾云非秦皇  
橫崖顯不出  
仙人狡獪游  
戲  
朱云次仲工  
書人忽出此  
手可見天上  
無愚憍神仙

譚云可消息  
而不得言如  
調躁人甚識  
水性



水東南流左會陽溝水亂流南注滄河滄河又左  
 得清夷水口魏土地記曰牧牛泉西流與清夷水  
 合者也自下二水互受通稱矣清夷水又西靈亭  
 城水注之水出馬蘭西澤中衆泉瀉流宋本歸于  
 澤澤水所鍾以成溝瀆瀆水又左與馬蘭谿水會  
 水導馬蘭城城北負山勢因阿仍谿民居所給唯  
 仗此水水南流出城東南入澤水澤水又南逕靈  
 亭北又屈逕靈亭東落次仲鳥翮於此故是亭有  
 靈亭之稱矣其水又南流注于清水清水金當作  
 清夷水

又西得泉溝水會水導源川南平地北注清夷水  
 清夷水又西南得桓公泉蓋齊桓公霸世北伐山  
 戎過孤竹西征束馬縣車上卑耳之西極故水受  
 斯名也水源出沮陽縣東西而謝云當作而西北流入清  
 夷水清夷水又西逕沮陽縣故城北秦始皇上谷  
 郡治此王莽改郡曰朔調縣曰沮陰關駟曰涿鹿  
 東北至李云疑脫谷城六十里魏土地記曰城北  
 有清夷水西流也其水又屈逕其城西南流注于  
 濕水濕水南至馬陘山謂之落馬河



又東南出山南至燕對山謂之落馬河  
濕水又南入山瀑布飛梁縣河注壑淵湍十許丈  
謂之落馬洪抑亦孟門之流也濕水自南出山謂  
之清泉河俗亦謂之曰干水非也濕水又東南逕  
良鄉縣之北界歷梁山南高粱水出焉

過廣陽薊縣北

孫云廣陽今京師薊縣今大興

濕水又東逕廣陽縣故城北謝承漢書曰世祖與  
銚期出薊至廣陽欲南行卽此城也謂之小廣陽  
濕水又東北逕薊縣故城南魏氏土地記曰薊城

鍾云古人賞  
鑒好事如此  
朱云讚世無  
傳正恐不能

南七里有清泉河而不逕其北蓋經誤證矣昔周  
武王封堯後於薊今城內西北隅有薊丘因丘以  
名邑也猶魯之曲阜齊之營丘矣武王封召公之  
故國也秦始皇二十三年滅燕以爲廣陽郡漢高  
帝以封盧綰爲燕王更燕國城有萬載宮光明殿  
王莽改曰廣公縣曰代成東掖門下舊慕容儁立  
銅馬像處昔慕容廆有駿馬赭白有奇相逸力至  
儁光壽元年四十九矣而駿逸不虧儁奇之比鮑  
氏聰命鑄銅以圖其像親爲銘讚鑄頌其傍像成



加奇相逸力  
四字耳然見  
古人待物如  
人殊有深情  
趣事

而馬死矣大城東門內道左有魏征南將軍建城

鄉景侯劉靖碑晉司隸故尉當作王密表功加於

民宜在祀典以元嘉四年九月二十日刊石建碑

揚于後葉矣濕水又東與洗馬溝水合水上承薊

水西注大湖湖有二源水俱出縣西北平地道泉

流結西湖湖東西二里南北三里蓋燕之舊池也

淥水澄澹川亭望遠亦為遊矚之勝所也湖水東

流為洗馬溝側城南東門注昔銚期啓戟處也後漢

書銚期從光武狗薊時薊中起兵應王郎之檄光武趣駕出百姓聚觀滿道不得行期騎馬奮戟瞋

目大呼曰起衆皆披靡及至城門已閉攻之得出其水又東入濕水濕水

又東逕燕王陵南陵有伏道西北出薊城中景明

中造浮圖建利當作窮泉掘得此道王府所禁莫

有尋者通城西北大陵而是二基趾盤疑作固猶

自高壯竟不知何王陵濕水又東南高粱之水注

焉水出薊城西北平地泉東注逕燕王陵北又東

逕薊城北又東南流魏氏土地記曰薊東一十里

有高粱之水者其水又東南入濕水也

又東至漁陽雍奴縣西入筒溝



漢光武建武二年封潁川太守寇恂為雍奴侯魏  
遣張郃樂進圍雍奴即此城矣笥溝水之別名也  
魏氏土地記曰清泉河上承桑乾河東流與潞河  
合濕水東入漁陽所在枝分故俗諺云高粱無上  
源。清泉無下尾。蓋以高粱微涓淺薄裁足津通。憑  
藉涓流方成川。則清泉至潞所在枝分更為微津。  
散漫難尋故也。

水經注卷十三

水經注卷十四

漢桑欽撰

後魏酈道元注

濕餘水 沽水

鮑丘水

濡水

遼水 小遼水

沮水

濕餘水出上谷居庸關東

關在沮陽城東南六十里居庸界故關名矣使者  
入上谷耿況迎之於居庸關即是關也其水導源  
關山南流歷故關下谿之東岸有石室三層其戶



鍾云非寒鳴  
二字說不出  
相和之妙

牖扇扉、悉石也。蓋古關之候臺矣。南則絕谷、累石  
為關址、崇墉峻壁、非輕功可舉。山岫層深、側道、褊  
峽、林鄣據險。古本作林鄣、遠嶮、蓋遠險之譌。吳本改為據誤。路才容軌、曉  
禽暮獸、寒鳴相和。羈官遊子、聆之者莫不傷思矣。  
其水歷山南、逕軍都縣界。又謂之軍都關。續漢書  
曰：尚書盧植隱上谷軍都山也。其水南流出關，謂  
之下口水。流潛伏十許里是也。

又東流過軍都縣南，又東流過薊縣北。

濕餘水故瀆，東逕軍都縣故城南，又東重源潛發。

積而為潭，謂之濕餘潭。又東流，易荆水注之。其水

導源西北，逕千蓼泉。亦曰丁蓼水。東南流，逕郁山。

西謂之易荆水。公孫瓚之敗于鮑丘也，走保易荆。

疑沮此水也。

范曄漢書麴義攻公孫瓚破之於鮑丘。瓚遂保易京。開置屯田。續漢志云

瓚所居易京故城在今幽州歸義縣南十八里。魏志瓚傳亦云瓚軍數敗乃走還易京固守。此云易

荆正同但字異耳。

易荆水又東左合虎眼泉水出平川東

南流入易荆水。又東南與孤山之水合。水發川左

導源孤山。東南流入易荆水。謂之塔界水。又東逕

薊城。又東逕平昌縣故城南。又謂之昌平水。魏氏



土地記曰薊城東北一百四十里有昌平城城西  
有昌平河又東北注濕餘水濕餘水又東南流左

右芹城水

宋本作芹城水注之

水出北山南逕芹城又

古本作水

東南流注濕餘水濕餘水又東南流逕安樂故城

西更始使謁者韓鴻北狗承制拜吳漢爲安樂令  
卽此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣  
濕餘水於縣西南東入沽河故地理志曰濕餘水

自軍都縣東至潞南入沽是也

沽河從塞外來

沽河出禦夷鎮西北九十里丹花嶺下東南流大  
谷水注之水發鎮北大谷谿西南流逕獨石北界  
石孤生不因河而自峙又南九泉水注之水導北  
川左右翼注入川共成一水故有九源之稱其水  
南流至獨石注大谷水大谷水又南逕獨石西又  
南逕禦夷鎮城西魏太和中置以捍北狄也又東  
南尖谷水注之水源出鎮城東北尖谿西南流逕



鎮城東西南流注大谷水亂流南注沽水又南出  
峽岍有二城世謂之獨固門以其藉嶮憑固易為

依居宋本作据兼壁昇聳踈通若門故得是名也  
漳疑作據

沽水又南左合乾谿水引北川西南逕一故亭東

又西南注沽水沽水又西南逕赤城東趙建武年

并州刺史王霸為燕所敗退保此城城在山阜之

上下抗深隍谿水之名藉以變稱故河有赤城之

號矣沽水又東南與鵲谷水合有二源南即陽樂

水也出且居縣漢志且居縣地理志曰水出縣東

北流逕大翻山小翻山北歷女祁縣故城南地理

志曰東部都尉治王莽之祁縣也世謂之橫水又

謂之陽曲河又東南逕一故亭又東左與舊鹵水

合水之出西北山東南流逕舊鹵城北城在居庸

縣西北二百里故名云候鹵太和中更名禦夷鎮

又東南流注陽樂水陽樂水又東南逕傍狼山南

山石一作色特上亭亭孤立超出羣山之表又東

南逕溫泉東泉在山曲之中又逕赤城西屈逕其

城南東南入赤城河河水又東南右合高峯水水



出高峯戍東南城在山上其水西南流又屈而東  
南入沽水沽水又西南流出山逕漁陽縣故城西  
而南合七度水水出北山黃頌谷故亦謂之黃頌  
水東南流注于沽水沽水又南漁水注之水出縣  
東南平地泉流西逕漁陽縣故城南考諸地說則  
無聞所識釋識釋疑誤考地尋川則有應氏疑有自今脫誤  
城在斯水之陽有符應說漁陽之名當屬此秦發  
閭左戍漁陽卽是城也漁陽又西南入沽水又南  
與螺山之水合水出漁陽城南小山魏氏土地記

曰城南五里有螺山其水西南入沽水沽水又南  
逕安樂縣故城東晉書地道記曰晉封劉禪爲公  
國俗謂之西路水也

南過漁陽狐奴縣北西南與濕餘水合爲沽河

沽水西南流逕狐奴山西又南逕狐奴縣故城西

漁陽太守張堪於縣開稻田教民植種當作種植百姓

得以殷富童謠歌曰桑無附枝麥秀兩岐張君爲

政樂不可支視事八年匈奴不敢犯塞沽水又南

陽重溝水注之出狐奴山南轉逕狐奴城南王莽

譚云只綴一  
句便見教種  
植卽是御虜  
長策



之所謂舉符也側城南注右會沽水沽水又南濕  
餘水注之沽水又南左會鮑丘水世所謂東潞也  
沽水又南逕潞縣爲有潞名潞河也魏氏土地記  
曰城西三十里有潞河也

又東南至雍奴縣西笥溝

濕水入焉俗謂之合口也又東鮑丘水於縣西北  
而東出焉

又東南至泉州縣與清河合東入于海清河者泝河  
尾也

沽河又東南逕泉州縣故城東王莽之泉調也沽  
水又東南合清河也今無水清湛漳洹滌易涿濡  
沽虜池同歸于海故經曰泝河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之  
大榆河又南逕鎮東南九十里西密雲戍西又南  
左合道人谿水水北川南流逕孔山西又歷密雲  
戍東左合孟廣峒水水出峒下峒甚增峻峨峨冠  
衆山之表其水西逕孔山南上有洞穴開明故土



俗以孔山流稱喇水又西南至密雲戍東西注道  
 人水亂流逕密雲戍城南右會大榆河有東密雲  
 故是城言西矣大榆河又東南流白楊泉水注之  
 北發白楊谿望雖疑右注大榆河又東南龍芻谿  
 水自決注之大榆河又東南峽逕安州舊漁陽郡  
 之滑鹽縣南左合縣之北谿水水出縣北廣長塹  
 南太和中掘此以防北狄其水南流逕滑鹽縣故  
 城東王莽更名匡德也漢明帝改曰鹽田右承治  
 世謂之斛鹽城西北去禦夷鎮二百里南注鮑丘

水又南逕僂溪縣故城東

古本作南逕虎溪縣故城按漢書地志漁陽郡

有岸奚縣孟康云

王莽更之曰敦德也鮑丘水又

西南逕獮平縣故城東王莽之所謂平獮也又南

合三城水水出四里山西逕平獮城

四里古本謂作白里

之三城水又逕香陁山上悉生橐本香世故名焉

又西逕石窟南窟內寬廣行者依焉窟內有水淵

而不流栖薄者取給焉又西北逕伏凌山南與石

門水合水出伏凌山山高峻巖鄣寒深陰崖積雪

凝冰夏結事同離騷峨峨之詠故世人因以名山



也。水西南流注之，是水有桑谷之名，蓋汭出桑谿故也。又西南逕獮平城，東南而右注鮑丘水。鮑丘水東南逕漁陽郡治也。秦始皇二十二年，置王莽，更名通潞縣曰得漁。地理志：王莽名漁，陽縣曰鮑得魚縣，潞縣曰通路亭。丘水又西南流，公孫瓚既害劉虞，烏丸思劉氏之德，迎其子和，合衆十萬，破瓚於水之上，斬首一萬。鮑丘水又西南歷狐奴城，東又西南流注之于沽河，亂流而南。

又南過潞縣西

鮑丘水入潞，通得鮑丘之稱矣。高粱水注之首受濕水於戾陵堰，水北有梁山，山有燕刺王旦之陵，故以戾陵名堰。水自堰枝分，東逕梁山南，又東北逕劉靖碑北。碑云：宋本作其詞云魏使持節都督河北道諸軍事、征北將軍、建城鄉侯沛國劉靖，字文恭，登

梁山以觀源流，相際。相際疑作以度形勢。嘉武安

之通渠，美秦民之殷富，乃使帳下督丁鴻軍士千

人，以嘉平二年立遏。遏當作竭，下同。洛陽記云：千金竭，舊堰穀水積石為竭也。

於水道，高粱河造戾陵遏，開車箱渠，其遏表云：高

鍾云：其質核此等文體宜如此。朱云：一篇制度大文章善，長注畧盡碑刻此為最典。



譚云立水木  
必誤亦未必  
是脫過長字  
後文又有立  
水五尺

梁河水者，出自并州黃河之別源，時長岍峻固直，  
截中流，積石籠以為主，過高一丈，東西長三十丈，  
南北廣七十餘步，依北岍立水門，門廣四丈，立水  
水下脫場十丈，山川宋本作暴戾，則乘過東下，平  
長二字流守常則自門地，宋本作入灌田歲二千頃，凡所  
封地百餘萬畝，至景元三年辛酉，詔書以民食轉  
廣，陸廢不贍，遣謁者樊晨更制水門，限田千頃，刻  
地四千三百一十六頃，出給郡縣，改定田五千九  
百三十頃，水流乘車箱渠自薊西北逕昌平，東盡

漁陽潞縣凡所潤舍

宋本作合

四五百里，所灌田萬有

餘頃，高下孔濟，原隰底平，疏之斯漑，決之斯散，導  
渠口以為濤門，灑漉池以為甘澤，施加於當時，敷  
被于後世，晉元康四年，君少子驍騎將軍平鄉侯  
弘受命使持節監幽州諸軍事，領護烏丸校尉寧  
朔將軍，過立積三十六載，至五年夏六月，洪水暴  
出，毀損四分之三，乘謝云乘宋本作剽孫云疑作  
割書曰湯湯洪水方割作剽  
亦北岍七十餘丈，上渠車箱所在漫溢，追惟前立  
誤過之勲，親臨山川，指授規畧，命司馬關內侯逢惲



內外將士二千人起長岸立石渠修立遏治水門  
門廣四丈立水疑脫一五尺與復載利通塞之宜

準遵舊制凡用功四萬有餘焉諸部王侯不召而

自至繼負而疑脫一事者蓋數千人詩載經始勿

趨字

亟易稱民忘其勞斯之謂乎於是二府文武之士  
感秦國思鄭渠之績魏人置豹祀之義乃遐慕仁  
政追述成功元康五年十月十一日刊石立表以  
紀勲烈并記遏制度永為後式焉事見其碑辭又  
東南流薊縣北又東至潞縣注于鮑丘之水又南

逕潞縣故城西王莽之通潞亭也漢光武遣吳漢

耿弇等破銅馬五幡於潞東謂是縣也屈而東南

流逕潞城南世祖拜彭寵為漁陽太守治此寵叛

光武遣游擊將軍鄧隆伐之軍於是水之南光武

策其必敗果為寵所破遺壁故壘存焉鮑丘水又

東南入夏澤澤南紆曲渚一十餘里北佩謙澤眇

望無限也

謝云謙澤一作諫  
澤無限疑作無垠

又南至雍奴縣北屈東入于海

鮑丘水自雍奴縣故城西北舊分筍溝水東出合



笥溝斷衆川東注混同一瀆東逕其縣北又東與

洵河合水出右北平無終縣西山白楊谷西北流

逕平谷縣屈西南流獨樂水入焉水出北抱犢固

南逕平谷縣故城東後漢建武元年光武遣十二

將追大槍五幡及平谷大破之於是縣也其水南

流入于洵洵水又東

舊本無東字

左合盤山水水出山

上其山峻嶮人跡罕交去山三十許里望山上水

可高二十餘里素湍皓然頽波歷谿沿流而下自

西北轉注于洵水洵水又東南逕平谷縣故城東

譚云奇觀瀑布五洩俱爲小巫矣未云遊山第一妙法莫先於望如陳伯

玉詩遠望多

衆容杜子美

詩齊魯青未

了峯峯次低

昂皆非實歷

語而極幻極

真可爲曉人

道也

南與洵河會水出北山山在儂奚縣故城東南東

南流逕博陸故城北又屈逕其城東世謂之平陸

城非也漢武帝璽書封大司馬霍光爲侯國文穎

曰博大陸平取其嘉名而無其縣食邑北海河東

薛瓚曰按漁陽有博陸城謂此也今其

宋本居山作在

之陽處平陸之上匝帶川流而據四水文氏所謂

無縣有嘉美名也洵水又東南流逕平谷縣故城

西而東南流注于渠洵河洵河又南逕鞅城東而

南合五百溝水水出七山北東逕平谷縣之鞅城



南東入于洵河洵河又南逕臨河城北屈而歷其城東側城南出竹書紀年梁惠成王十六年齊師及燕戰于洵水齊師逕卽是水也洵水又南入鮑丘水又東合泉州渠口故瀆上承宰池水於泉州縣故以泉州爲名北逕泉州縣東又北逕雍奴縣東西去雍奴故城一百二十里自虜池一作虜池北入其下歷水澤一百八十里入鮑丘河

謂之泉州口陳壽魏志曰曹太祖以蹋頓擾邊公將征之從洵口鑿渠逕雍奴泉州以通河海者也

今無水鮑丘水又東庾水注之水出右北平徐無縣北塞中而南流歷徐無山得黑牛谷水又得沙谷水並西出山東流注庾水昔田于秦避難居之

衆至五千家于秦當作子秦埜按魏志田疇字子泰北平無終人避公孫瓚之難遂入

徐無山中營深險平敞地而居百姓歸之數年間至五千餘家開山圖曰山出不灰之木生火之石案注云其木色黑似炭而無葉有石赤色如丹以一石相磨則火發以然無火可

以終身謝云宋本作以然無今則無之其水又逕

徐無縣故城東王莽之北順亭魏氏土地記曰右

譚云兩物故是勁敵難相守力相延物理殊妙



北平城東北一百一十里有徐無城其水又西南與周盧溪水合水出徐無山東南流注庾水庾水又西南流灑水注之水出右北平俊靡縣王莽之俊麻也世謂之車輦水又東南流與溫泉水合水出北山溪卽溫源也養疾者不能澡其炎漂以其過灼故魏氏土地記曰徐無城東有溫湯卽此也其水南流百步便伏流入于地下水盛則通注灑水又東南逕石門峽山之高嶄絕壁立洞開俗謂之石門口漢中平四年漁陽張純反殺右北平太守劉政遼東太守陽紘中平五年與中郎將孟溢率公孫瓚討純戰于石門大破之灑水又東南流謂之北黃水又屈而爲南黃水又西南逕無終山卽帛仲理所合神丹處也又於是山作金五千斤以救百姓山有陽翁伯玉田在縣西北有陽公壇社卽陽公之故居也搜神記曰雍伯雒陽人至性篤孝父母終沒葬之於無終山山高八十里而上無水雍伯置飲焉有人就飲與石一斗令種之玉生其田北平徐氏有女雍伯求之要以白璧一雙

譚云金玉輝  
映

宋云陽翁伯  
之種石單道  
關之噉石似  
乎不經然天



地間却有此  
一種奇理

譚云二語雋  
妙不曰自來  
而曰自去更

水經注

卷一

一三

媒者致命，伯至玉田，求得五雙，徐氏妻之，遂即嫁

焉。孫云嫁疑作家蓋娶徐氏即家于此陽氏譜叙言翁伯是周景王

之孫，食采陽樊，春秋之末，爰宅無終，因陽樊而易

氏焉。愛仁。宋本作人博施。天祚玉田，其碑文云：居于縣

北六十里翁同之山，後路徙於西山之下，陽公又

遷焉，而受玉田之賜，情不好寶玉田自去，今猶謂

之為玉田，陽于寶曰：於種石處四角，作大石柱，各

一丈，中央一頃之地，名曰玉田，至今相傳云：田玉

當作之揭起于此矣，而今不知所在，同之譜叙自

去文矣

此二句疑有譌誤

藍水注之水出北山東屈而南

流逕無終縣故城東，故城無終子國也。春秋襄公

十四年，無終子嘉父使孟樂如晉，因魏絳納虎豹

之皮，請和諸戎，是也。故燕地矣。秦始皇二十二年

滅燕，置右北平郡，治此。王莽之所謂北順也。漢世

李廣為郡，出遇伏石，謂虎也，射之，飲羽，即此處矣。

魏氏土地記曰：右北平城西北百三十里有無終

城，其水又南入灑水，灑水又西南入于庚水。地理

志曰：灑水出俊靡縣南，至無終東入庚。一作庚水

下同



庚水世亦謂之為柘水也。南逕燕山上，懸巖之側，有石鼓，去地百餘丈，望若數百石，困有石梁貫之。

鼓之東南有石，疑脫一人字一援桴狀，同擊勢，耆舊言燕

山石鼓鳴，則土有兵。庚水又南逕北平城西而南

入鮑丘水，謂之柘口。鮑丘水又東逕右北平郡故

城南。魏氏土地記曰：薊城東北三百里有右北平

城。鮑丘水又東，巨梁水注之。水出土垠縣北陳宮

山西南流，逕觀雞山，謂之觀雞水。水東有觀雞寺，

寺內有大堂，甚高廣，可容千僧。下悉結石為之。上

加塗墍，基內踈通，枝經脉散。基側室外，四出爨火

炎，勢內流，一堂盡溫。蓋以此土寒嚴，霜氣肅猛，出

家沙門，率皆貧薄。施主慮闕道業，故崇斯構。是以

志道者多栖託焉。其水又西南流，又宋本作右合區落

水出縣北山，東南流入巨梁水。巨梁水又西逕土

垠縣故城西，左會寒渡水。水出縣東北，西南流至

縣右，注梁河。梁河又南，澗于水。注之水出東北山

西南流，逕土垠縣故城。東西南流入巨梁水。又東

南右合五里水。水發北平城東北五里山，故世以

宋云敘經度文劇為雅麗非六朝人不能作今人隨口說假秦漢便欲抹殺六

朝試使敘此等事無古句可集吾知其躋矣譚云構既奇文亦雋



五里名溝一名田繼泉西流南屈逕北平城東東  
南流注巨梁河亂流入于鮑丘水巨梁自是水之  
南極虜池西至泉州雍奴東極於海謂之雍奴藪  
其澤野有九十九澱投流條右投流條右當  
作枝流條谷往往  
逕通非唯梁河鮑丘歸海者也

濡水從塞外來東南過遼西令支縣北

濡水出禦夷鎮東南其水二源雙引夾山西北流  
出山合成一川又西北逕禦夷故城東鎮北百四  
十里北流左道則連泉水注之出故城東西北流

逕故城南又西北逕淶水池南其水淵而不流其  
水又西屈而北流又東逕故城北連、結、兩、池、沼、謂  
之、連、泉、浦、又東北注難河難河右則汗水入焉水  
出東塢南西北流逕沙野南北人名之曰沙鎮東  
北二百三十里西北入難河濡難聲相近狄俗語  
譌耳濡水又北逕沙野西又北逕箕安山東屈而  
東北流逕沙野北東北流逕林山北水北有池潭  
而不流濡水又東北流逕孤山南東北流呂泉水  
注之水出呂泉塢西東南流屈而東逕塢南東北



流三泉水注之其源三泉鴈次合爲一水鎮東北  
四百里東南注呂泉水又東逕孤山北又  
東北逆流水注之水出東南導泉西流右屈而東  
北注木林山水會之水出山南東注逆水亂流東  
北注濡河濡河又東盤泉入焉水自西北東南流  
注濡河濡河又東南水流迴曲謂之曲河鎮東北  
三百里又東出峽入安州界東南流逕漁陽白檀  
縣故城地理志曰濡水出縣北蠻中漢景帝詔李  
廣曰將軍其帥師東轅弭節白檀者也又東南流

右與要水合水出塞外三川金導謂之大要水也  
東南流逕要陽縣故城東本都尉治王莽更之曰  
要術矣要水又東南流逕白檀縣而東南流入于  
濡濡水又東而南索頭水注之水北流南逕廣陽  
僑郡西魏分右北平置今安州治又南流注于濡  
水濡水又東南流武列水入焉其水三川派合西  
源右爲谿水亦曰西藏水東南流出谿與蟠泉水  
合泉發州東十五里東流九十里東注西藏水西  
藏水又西南流東藏水注之水出東谿一曰東藏

譚云寫互相  
藏納之意如  
見



譚云垂纓試  
穴猶是常情  
彎弧量峰奇  
出意表

水西南流出谷與中藏水合水導中谿南流出谷  
南注東藏水故目其川曰三藏川水曰三藏水東  
藏水又南右入西藏水亂流右會龍泉水水出東  
山下淵深不測其水西南流注于三藏水三藏水  
又東南流與龍芻水合而出于龍芻之谿東流入  
藏水又東南流逕列谿謂之武列水東南歷石挺  
挺一作挺下左層巒之上有孤石雲舉臨崖危峻可高  
百餘仞牧守所逕命選練之士彎弧矢無能屈其  
崇標者其水東合流入濡濡水又東南五渡水注

之水北出安樂縣丁原山南流逕其縣故城西本  
三會城也其水南入五渡塘於其川也流紆曲溯  
涉者頻濟故川塘取名矣又南流注于濡濡水又  
與高石水合水東出安樂縣東山西流歷三會城  
南西入五渡川下注濡水濡水又東南逕盧龍塞  
塞道自無終縣東出渡濡水自林蘭陁東至清陁  
盧龍之嶮峻坂縈折故有九嶠之名矣燕景昭元  
璽二年遣將軍步渾治盧龍塞道焚山刊石令通  
方軌刻石嶺上以記事功其銘尚存而庾杲之注



楊都賦言盧龍山在平罡城北殊為孟浪遠失事實余按盧龍東越清陘至凡城二百許里自凡城東北出趣平罡故城可百八十里向黃龍則五百里故陳壽魏志田疇引軍出盧龍塞塹山堙谷五百餘里逕白檀歷平罡登白狼望柳城平罡在盧龍東北遠矣而仲初言在南非也濡水又東南逕盧龍故城東漢建安十二年魏武征蹋頓所築也濡水又南黃洛水注之水北出盧龍山南流入于濡濡水又東南水又合焉

水又舊本作水名水出宋本作洛水合焉

盧龍塞西南流注濡水又合屈而注得去潤水又會敖水二水並自盧龍西注濡水又東南流逕令支縣故城東王莽之令氏亭也秦始皇二十二年分燕置遼西郡令支縣焉

縣宋本作隸魏氏土地記曰

肥如城西十里有濡水南流注逕孤竹城西右合玄水也謂之小濡水非也水出肥如東北玄溪西南流逕其縣東東屈南轉西迴逕肥如縣故城南俗又謂肥如水非也故城肥子國應劭曰晉滅肥肥子奔燕燕封於此故曰肥如也漢高帝六年封



蔡寅為侯國西南流右合盧水水出縣東北沮溪  
南流謂之大沮水又南左合陽樂水水出東北陽  
樂縣地理風俗記曰陽樂故燕也遼西郡治秦始  
皇二十二年置魏氏土地記曰海陽城西南有陽  
樂城其水又西南入于沮水謂之陽口沮水又西  
南小沮水注之水發冷溪世謂之冷池又南得溫  
泉水口注之出東北溫溪自溪西南流入于小沮  
水小沮水又南流與大沮水合而為盧水也桑欽  
說盧子之書言晉既滅肥遷其族於盧水盧水有

譚云前云入  
於濡亦無米  
字

二渠號小沮大沮合而入于玄

脫一  
水字

盧水又南與

溫水合水出肥如城北西流注于玄水地理志曰  
盧水又南入玄水玄水又西南逕孤竹城北西入  
濡水故地理志曰玄水東入濡蓋自東而注也地

理志曰今支有孤竹故城孤竹國也史記曰孤竹  
君之二子伯夷叔齊讓國於此而餓死于首陽漢  
靈帝時遼西太守廉翻夢人謂已曰余孤竹君之  
子伯夷之弟遼海漂吾棺槨聞君仁善願見藏覆  
明日視之水上有浮棺矣宋本作吏嗤笑者皆無疾而

譚云夢語異  
館語更異孤  
竹子生不食  
周薇死豈藏



周地且古棺  
不朽神胡可  
移海水能漂  
靈復安在彼  
既妄言之吾  
復妄駁之幾  
於艾子之癡  
矣

死於是改葬之。晉書地道志曰：遼西人見遼水有浮棺欲破之，語曰：我孤竹君也，汝破我何為？因為立祠焉。祠在山上，城在山側，肥如縣南十二里水之會也。

又東南過海陽縣西南入于海。

濡水自孤竹城東南逕主鄉北，瓠溝水注之，出城東南東流，注濡水。濡水又逕牧城南，分為二水，北水枝出世，謂之小濡水也。東逕樂安亭北，東南入海。濡水東南流，逕樂安亭南，東與新河故瀆合。自

雍奴縣承鮑丘水東出，謂之鹽關口。魏太祖征蹋頓，與洶口俱導也。世謂新河矣。陳壽魏志以通河海也。新河又東北絕庾水，又東北出，逕右北平絕洶渠之水，又東北逕昌城縣故城北。至至宋本作故俱疑衍

王莽之淑武也。新河又東為二水，枝瀆東南入海。新河自枝渠東出，合封大水，謂之交流。合水出新平縣西南，流逕新平縣故城西。地理志：遼西之屬縣也。又東南流，龍鮮水注之。水出縣西北，世謂之馬頭山二源，俱導南合一川，東流注大水。地理志



曰龍鮮水東入封大水者也亂流南會新河南流于海地理志曰封大水於海陽縣南入海新河又東出海陽縣與緩靈水會水出新平縣東北世謂之大籠山東南流逕令支城西西南流與新河合南流于海地理志曰緩靈水與封大水皆南入海新河又東與素河會謂之白水口出令支縣之藍山南合新河又東南入海新河又東至九過口枝分南注海新河又東逕海陽縣故城南漢高祖六年封搖母餘爲侯國魏土地記曰令支城南六十

里有海陽城者也新河又東與清水會水出海陽

縣東南流逕海陽城東又南合新河又南流一十

許里西入九過

一作

注海新河東絕清水又東木

究水出焉南入海新河又東左迤爲孔陽孤淀名

朱本無

名字右絕新河南注海新河又東會于濡濡水

又東南至象縣碣石山文穎曰碣石在遼西象縣

王莽之選武也象縣并屬臨渝王莽更臨渝爲憑

德地理志曰大碣石山在右北平驪成縣西南王

莽改曰碣石也漢武帝亦嘗登之以望巨海而勒



朱云曹公樂府水何澹澹山島竦峙秋風蕭瑟洪波湧起是一幅碣石圖此注往往而見四言又畫手所不能措也朱云海神亦詭如此舉動可笑

鍾云此亦如子產辨臺駘實沈之類春秋時實有此段學問不可以為怪而疑之今其書其人絕久矣

其石於此今枕海有石如壩宋本道數十里當山頂有大石如柱形往往而見立於巨海之中潮水

大至及潮波退不動不沒不知深淺世名之天橋

柱也狀若人造丁筆亦非人力所就韋昭亦指此以為碣石也

三齊畧記曰始皇於海中作石橋海神

為之豎柱始皇求為為當相見神曰我形醜莫圖

我形當與帝相見乃入海四十里見海神左右莫

動手工人潛以脚畫其狀神怒曰帝負約速去始

皇轉馬還前脚猶立後脚隨崩僅得登岸畫者溺

死於海衆山之石皆傾注今猶岌岌東趣疑即是

也濡水於此南入海而不逕海陽縣西也蓋經誤

證耳又按管子齊桓公二十年征孤竹來管子至

卑耳之谿十里闕管子然止瞳然視授弓將射引

而未發謂左右曰見前乎左右對曰不見公曰寡

人見長尺而人物具焉冠右祛衣走馬前豈有人

若此乎管仲對曰臣聞豈山之神有偷兒長尺人

物具管子作偷兒霸王之君興則豈山之神見且走馬

前走導也祛衣示前有水右祛衣示從右方涉也

水經注

卷十四

三



至卑耳之谿有贊水者從左方涉其深及冠右方涉其深至膝已涉陸古本作大濟桓公拜曰仲父之聖

此宋本作仲父之聖至此寡人之私罪也久矣私管子今自

孤竹南出則巨海矣而滄海之中山望多矣然卑

耳之川若贊溪者亦不知所在也昔在漢世海水

波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣

西埤按此西字舊本作注誤今改正

遼水亦言出砮石山自塞外東流直遼東之望平

死於海衆山之石皆傾注今猶岌岌東趣疑卽是

也濡水於此南入海而不逕海陽縣西也蓋經誤

證耳又按管子齊桓公二十年征孤竹來管子作未至

卑耳之谿十里闕管子然止瞳然視授弓將射引

而未發謂左右曰見前乎左右對曰不見公曰寡

人見長尺而人物具焉冠右祛衣走馬前豈有人

若此乎管仲對曰臣聞豈山之神有偷兒長尺人

物具管子作霸王之君興則豈山之神見且走馬

前走導也祛衣示前有水右祛衣示從右方涉也

鍾云此亦如子產辨臺駘實沈之類春秋時實有此段學問不可以為怪而疑之今其書其入絕久矣



至卑耳之谿有贊水者從左方涉其深及冠右方

涉其深至膝已涉陸古本作大濟桓公拜曰仲父之聖

此宋本作仲父之聖至此寡人之私罪也久矣私管子今自

孤竹南出則巨海矣而滄海之中山望多矣然卑

耳之川若贊溪者亦不知所在也昔在漢世海水

波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣

西 瑋按此西字舊本作注誤今改正

遼水亦言出砭石山自塞外東流直遼東之望平

縣西王莽之長說也屈而西南流逕襄平縣故城

西秦始皇二十二年滅燕置遼東郡治此漢高帝

八年封紀通為侯國王莽之昌平也故平州治又

東逕舊本無又東逕三字吳本增之遼隧縣故城西王莽更名之

曰順陸也公孫淵遣將軍畢衍拒司馬懿於遼隧

即是處也遼水又南歷縣有小遼水其流注之也

又東南過房縣西

地理志曰房故遼東之屬縣遼水又右會白狼水

水出右北平白狼縣東南謝云南下當有逕字廣成縣北流



西北屈逕廣成縣故城南王莽之平虜也俗謂之  
廣都城又西北石城川水注之水出西南石城山  
東流逕石城縣故城南地理志曰右北平有石城  
縣北屈逕白鹿山西卽白狼山也魏書國志曰遼  
西單于蹋頓尤強爲袁氏所厚故袁尚歸之數入  
爲害公出盧龍塹山堙谷五百餘里未至柳城二  
百里尚與蹋頓將數萬騎逆戰公登白狼山望柳  
城卒與虜遇乘其不整縱兵擊之虜衆大崩斬蹋  
頓胡漢降者二十萬口英雄記曰曹操於是擊馬

鞍於馬上作十片卽於此也博物志曰魏武於馬

上逢獅子使格之殺傷甚衆王乃統宋本率常從

健兒數百人擊之獅子哮呼奮越左右咸驚王忽

見一物從林中出如狸超上王車軛上獅子將至

此獸便跳上獅子頭上獅子卽伏不敢起於是遂

殺之得獅子而還未至洛陽四十里洛陽雞狗皆

無鳴吠者也其水又東北入廣成縣東注白狼水

白狼水北逕白狼縣城東王莽更名伏狄白狼水

又古本東方城川水注之水發川西南山下流北

譚云死獅尚  
能噉生雞狗  
彼如狸者來  
更當何如



譚云六字乃  
釋倭字有脫  
無譌

屈逕一故城西世謂之雀目城東屈逕方城北東  
入白狼水白狼水又東北逕昌黎縣故城西地理  
志曰交黎也東部都尉治王莽之禽虜也應劭曰  
今昌黎也高平川水注之水出西北平川東流逕  
倭城北蓋委也人從之埠云蓋委以下  
六字有譌脫又東南逕  
乳樓城北蓋逕戎鄉邑兼夷稱之又東南注白狼  
水白狼水又東北自魯水注之導西北遠山東南  
注白狼水白狼水又東北逕龍山西燕慕容晃李  
云  
別本以柳城之北龍山之南福地也使陽裕築龍  
作銑

城改柳城為龍城縣十二年黑龍白龍見於龍山  
晃親觀龍去二百步祭以太牢二龍交首嬉翔解  
角而去晃悅大赦號新宮曰和龍宮立龍翔祠于  
山上白狼水又北逕黃龍城東十三州志曰遼東  
屬國都尉治昌黎道有黃龍亭者也魏營州刺史  
治魏氏土地記曰黃龍城西南有白狼河東北流  
附城東北下卽是也又東北濫真水出西北塞外  
東南歷重山東南入白狼水白狼水又東北出東  
流為二水右水疑卽渝水也地理志曰渝水首受



白狼水西南巡山逕一故城以爲河連城疑是臨  
渝縣之故城王莽曰憑德者矣渝水南流東屈與  
一水會世名之曰榼倫水蓋戎方之變名耳疑卽  
地理志所謂侯水北入渝者也十三州志曰侯水  
南入渝地理志言蓋自北而南也又西南流注于  
渝渝水又東南逕一故城東俗曰女羅成又南逕  
營丘城西營丘在齊而名之於遼燕之間者蓋燕  
齊遼迴宋本作遠  
舊本作迴僑分所在其水東南入海地理  
志曰渝水自塞南入海一水東北出塞爲白狼水

又東南流至房縣至當作于遼魏氏土地記曰白  
狼水下入遼也

又東過安市縣西南入于海

十三州志大遼水自塞西南至安市入于海

又玄菟高句麗縣有遼山小遼水所出西南至遼隧  
縣入于大遼水也

縣故高句麗相之國也漢武帝元封二年平右渠  
置玄菟郡於此王莽之下句麗水出遼山西南流  
逕遼陽縣與大梁水會水出北塞外西南流逕至



遼水故地理志曰大梁水西南至遼陽入遼郡國志曰縣故屬遼東後入玄菟其水西南流故謂之爲梁水也小遼水又西南逕襄平縣爲淡淵晉永嘉三年涸小遼水又逕襄平縣入大梁水司馬宣王之平遼東也斬公孫淵於斯水之上者也

涓水出樂浪鏤方縣東南過於臨涓縣東入于海

許慎云涓水出鏤方東入海一曰出涓水縣十三州志曰涓水縣在樂浪東北鏤方縣在郡東蓋出其縣而逕鏤方也

謝云鏤方也之下宋本原缺十二字

昔燕人衛滿

自涓水而至朝鮮朝鮮故箕子國也箕子教民以義田織信厚約以入法而下知禁遂成禮俗戰國時滿乃王之都王險城地方數千里至其孫右渠漢武帝元封二年遣樓船將軍楊僕左將軍荀彘討右渠破渠于涓水遂滅之若涓水東流無渡涓之理其地今高句麗之國治余訪蕃使言城在涓水之陽其水西流逕故樂浪朝鮮縣卽樂浪郡治漢武帝置而西北流故地理志曰涓水西至增地縣入海又漢興以朝鮮爲遠循遼東故塞至涓水



為界考之今古於事差謬蓋經誤證也

漢書帝孟山所出或姑蘇山

水之出也

之出也

之出也

之出也

之出也

之出也

之出也

水經注卷十四

漢 桑欽撰

後魏酈道元注

洛水

洛水出京兆上洛縣謹舉山

地理志曰洛出冢嶺山山海經曰出上洛西山又

曰謹舉之山洛水出焉東與丹水合水出西北竹

山東南流注于洛

洛水又東戶水注之



水北出發戶山南流入洛戶水按山海經云

洛水其中多美玉是知戶字譌也

洛水又東得乳水

水北出良餘山南南注于洛

洛水又東會于龍餘之水

水出蟲尾之山東流入洛水山海經作蟲尾蟲字似譌又東至

陽虛山合宋本有于字玄扈之水是也又曰自鹿蹄之

山以至玄扈之山凡九山玄扈亦山名也而通與

謹舉為九山之次焉故山海經曰此二山者洛間

也是知玄扈之水出于玄扈之山蓋山水兼受其目

矣其水逕于陽虛之下山海經曰又陽虛之山臨

于玄扈之水是為洛汭也河圖玉板曰倉頡為帝

南巡宋本作隨帝山海經注引河圖但作為帝蓋為黃帝代巡也登陽虛之山

臨于玄扈洛汭之水靈龜負書丹甲青文以授之

即於此水也宋本也下有洛水二字又東歷清池山傍東合

武里水水南出武里山東北流注于洛

洛水又東門水出焉

爾雅所謂洛別為波也洛水又東要水入焉水南



出三要山東北逕拒陽城西而東北流入于洛洛  
水又東與獲水合水南出獲興山俗謂之備水也  
東北逕獲興川世名之爲郤川東北流注于洛  
洛水又東逕熊耳山北

禹貢所謂導洛自熊耳博物志曰洛出熊耳蓋開  
其源者是也

東北過盧氏縣南洛水逕陽渠關北

陽一作鴨渠水出南陽渠山卽荀渠山也其水一  
下同源兩分川流半解一水西北流屈而東北入於洛

山海經曰熊耳之山浮豪之水出焉西北流注于

洛疑卽是水也荀渠蓋熊耳之殊稱若太行之歸

山也故地說曰熊耳之山地門也

按圖括地象云  
熊耳爲地門其

精上爲壁  
附耳星也

洛水出其間是亦總名矣其一水東北

逕陽渠城西故關城也其水東北流注于洛

洛水又東逕盧氏縣故城南

竹書紀年晉出公十九年晉韓龍氏城

今竹書云  
晉韓龐取

盧氏  
城

王莽之昌富也有盧氏川水注之水北出盧

氏山東南流逕盧氏城東而流注于洛水又東龍



譚云知足之人處此便同仙境

翼合三川並出縣之南山東北注洛開山圖曰盧氏山宜五穀可避水災亦通謂之石城山山在宜陽山西南千名之山咸處其內陵阜原險易以度身者也又有葛蔓谷水自南山流注洛水洛水又東逕高門城南即宋書所謂後軍外兵龐季明入盧氏進達高門木城者也

洛水東與高門水合

水出北山東南流合洛水枝津水上承洛水東北流逕石勒城北又東逕高門城北東入高門水亂

流南注洛

洛水又東松楊溪水注之

水出松楊山北流注于洛洛水又東逕黃亭南又

東合黃城溪水水出鵜鵠山有二峰峻極于天高

崖雲舉亢石無階援徒喪其捷巧巖族竄宋本其

輕工及其長霄冒顛一作嶺層霞冠峰方乃宋本其

辨優劣耳故有大小鵜鵠之名矣谿水東南流歷

亭下謂之黃亭谿水而宋本東南入于洛水洛水

又東得荀公澗口水出南山荀澗即龐季明所入

譚云只九石無階四字多少傲听朱云只是寫一高字而語特曠秀



荀公谷者也其水歷谷東北流注于洛水洛水又東逕檀山南其山四絕孤峙山上有塢聚俗謂之檀山塢義熙中劉公西入長安舟師所屬次于洛陽命參將戴延之與府舍人虞道元卽舟遡流窮覽洛川欲知水軍可至之處延之屈此而返竟不達其源也

洛水又東庫谷水注之

水自宜陽山南三川並發合爲一谿東北流注于洛洛水又東得鵜鵝水口水發北鵜鵝澗東南流

入于洛洛水又逕僕谷亭北左合北水水出北山東南流注于洛洛水又東侯谷水出南山北流入于洛洛水又東逕龍驤城北龍驤將軍王鎮惡從劉公西入長安陸徑所由故城得其名洛水又東左合宜陽北山水水自北谿南流注洛洛水又東廣由澗水注之水出南山由谿北流逕龍驤城東而北流入于洛洛水又東右得直谷水水出南山北逕屯城西北流注于洛水也

又東北過蠡城邑之南



城西塢水出北四里山上原高二十五丈故鼃池  
縣治南對金門塢水南五里舊宜陽縣治也洛水  
右會金門谿水水南出金門山北逕金門塢西北  
流入于洛洛水又東合款水有二源並發而川  
宋本  
作兩逕引謂之大款水也合而東南入于洛洛水  
又東黍良谷水入焉南出金門山開山圖曰山出  
多重固在韓建武二年强弩偏將軍陳俊轉擊金  
門白馬皆破之卽此也而東北宋于洛洛水又  
東左合北谿南流入于洛也

又東過陽市邑南又東北過于父邑之南

太陰谷水南出太陰谿北流注于洛洛水又東合

白馬谿水出宜陽山澗有大石厥狀似馬故谿澗

以物色受名也谿水東又疑作北流注于洛洛水

又東有昌澗水注之水出西北宜陽山而東南流

逕宜陽故郡南舊陽市邑也故洛陽都典農治此

後改爲郡其水又東舊本注于洛洛水又東逕一

合塢南城在川北原上高二十丈南北東三箱天  
嶮峭絕唯築西面卽爲合固一合之名起於是矣



劉曜之將攻河南也晉將軍魏該奔於此故于父

邑也洛水又東合杜楊澗水水出西北杜楊谿東

南逕一合塢東與槃谷水合亂流東南入洛

洛水又東渠谷渠谷上下疑有關

水出宜陽縣南女几山東北流逕雲中塢在上迢

遶層峻流煙半垂纓帶山阜故塢受其名水又東

北入洛水臧榮緒晉書稱孫登嘗經宜陽山作炭

人見之與語登不應作炭者覺其情神非常咸共

傳說太祖聞之使阮籍往觀與語亦不應籍因大

嘯登笑曰復作向聲又為嘯求與俱出登不肯籍

因別去登上峰行且嘯如簫韶笙簧之音聲振山

谷籍怪而問作炭人作炭人曰故是向人聲籍更

求之不知所止推問久之乃知姓名余按孫綽之

敘高士傳言在蘇門山又別作登傳孫盛魏春秋

亦言在蘇門山又不列姓名阮嗣宗感之著大人

先生論言吾不知其人一作既神遊自得不與物

交阮氏尚不能動其英操復不識何人而能得其

姓名

鍾云今人於何處尋臧榮緒晉書古書不傳者何限宋云蘇門行從步兵欲語

之不能中致於事之而不得其神情至為作炭人識之安知此人非隱於炭而尚覺蘇門之為人物色及多事也

譚云從姓名上復窮論一番伊人之想其深



譚云形峰石之高箭不能及侈甲仗之積山亦可平文貴極言豈須徵實

又東北過宜陽縣南

洛水之北有熊耳山雙巒競舉狀同熊耳此自別山不與禹貢導洛自熊耳同也昔漢光武破赤眉樊崇積甲仗與熊耳平卽是山也山際有池池水東南流水側有一池世謂之鼃池矣又東南逕宜陽縣故城西謂之西度水又東南流入于洛

洛水又東逕宜陽縣故城南

秦武王以甘茂爲左丞相曰寡人欲通三川窺周室死不朽矣茂請約魏以攻韓斬首六萬遂拔宜

陽城故韓地也後乃縣之漢哀帝封息夫躬爲侯

國城之西門赤眉樊崇與盆子及大將等奉璽綬

劔壁處世祖不卽見明日陳兵於洛水見盆子等

謂盆子丞相徐宣曰不悔乎宣曰不悔上嘆曰卿

庸中皦皦鐵中錚錚也洛水又東與厭梁之水合

水出縣北傳一作傳山大陂山無草木其水自陂北

流屈而東南注世謂之五延水又東南流逕宜陽

縣故城東東南流注于洛洛水又東南黃中澗水

出北阜二源奇發總成一川東流注于洛洛水又



東祿泉注之其水近出北谿洛水又東共水入焉  
水北出長石之山山無草木其西有谷焉厥名共  
谷共水出焉南流得尹谿口水出西北尹谷東南  
注之其水右與西南左澗水會水東出近川西流  
注于共水共水又南與李谷水合水出西北李谿  
東南注蓁水蓁水發源蓁谷西南流與李谷水合  
而西南流入共水共水世謂石頭泉而南流注于  
洛洛水又東黑澗水南出陸渾西山歷于黑澗西  
北入洛洛水又東臨亭川水注之水出西北近谿  
東南與湖長澗水會水出北山南入臨亭水又東  
南歷九曲西而南入洛水也  
又東北出散關南

洛水東逕九曲南其地十里有坂九曲穆天子傳  
所謂天子西征升于九阿此是也洛水又東與豪  
水會水出新安縣密山南流歷九曲東而南流入  
于洛洛水之側有石墨山山石盡黑可以書疏故  
以石墨名山矣  
洛水又東枝瀆左出焉



譚云女冢清  
貞王家神靈  
故並傳其名

東出關絕惠水又逕清女冢南冢在北山上者舊  
傳云斯女清貞秀古跡表來今矣故瀆又東逕周  
山上有周靈王家皇覽曰周靈王葬於河南城西  
南周山上蓋以王生而神故謚曰靈其冢人祠之  
不絕又東北逕柏亭南皇覽曰周山在柏亭西柏  
謂斯亭也又東北逕三王陵東北出焉三王或言  
周景王悼王定王也魏司徒公崔浩注西征賦云  
定當為敬潘岳西征賦云咨景悼以乞旬政凌遲而彌季崔時所傳或作定悼故  
作景傳寫者又誤以景作敬耳子朝作難西周政  
敬王名旬安得疊言之理乎

弱人荒悼敬二王與景王俱葬於此故世以三王

名陵帝王世紀曰景王葬于瞿泉一作今洛陽太

倉中大家是也而復傳言在此所未詳矣又悼敬

二王稽諸史傳復無葬處今陵東有石碑錄報王

以上世王名號考之碑記周墓明矣故瀆東北歷

制鄉逕河南縣王城西歷郊鄔陌杜預釋地曰縣

西有郊鄔陌謂此也故瀆又北入穀蓋經始周啓

瀆久廢不修矣洛水自枝瀆又東出關惠水右注

之世謂之八關水戴延之西征記謂之八關澤即



經所謂散關鄣自南山橫洛水北屬於河皆關塞也卽楊僕家僮所築矣惠水出白石山之陽東南流與瞻水合水東出婁涿之山而南流入惠水惠水又東南謝水山海經作謝水北出瞻諸之山東南流又有交觸之水北出廆山南流俱合惠水惠水又南流逕關北城二十里者也其城西咀塞垣東抗惠水靈帝中平元年以河南尹何進爲大將軍五營士屯都亭置函谷關廣城伊關大谷轅轅旋門平津孟津等八關都尉官治此函谷爲之首在八關

之限故世人物惣其統目有八關之名矣其水又南流入于洛水山海經曰白石之山惠水出其陽而南流注于洛謂是水也洛水又與虢水會水出林

褚之山

山海經曰扶豬之山號水出焉

北流注于洛水其南則鹿

蹄之山也世謂之非山也其山陰則峻絕百仞陽則原阜隆平甘水發于東麓北流注于洛水也

又東北過河南縣南

周書稱周公將致政乃作大邑成周于中土南繫于洛水北因于邾山以爲天下之大湊孝經援神



契曰、八方之廣、周洛爲中、謂之洛邑、竹書紀年、晉定公二十年、洛絕于周、魏襄王九年、洛入成周、山水大出、南有甘洛城、郡國志曰、所謂甘城也、地記曰、洛水東北過五零陪、舊本作倍尾北與澗瀍合、是二水東入千金渠、故瀆存焉。

又東過洛陽縣南、伊水從西來注之。

洛陽周公所營洛邑也、故洛誥曰、我卜瀍水東、亦惟洛食、其城方七百二十丈、南繫于洛水、北因于邠山、以爲天下之漑、方六百里、因西爲千里、春秋

昭公二十三年、晉合諸侯大夫成、成周之城、故亦

曰成周也、遷自序云、太史公留滯周南、摯仲治曰、

古之周南、今之洛陽、漢高祖始欲都之、感婁敬之

言不日而駕行矣、屬光武中興宸、一本居洛邑逮

於魏晉咸兩宅焉、故魏略曰、漢火行、忌水、故去其

水而加佳、魏爲土德、土水之牡也、語故自佳水得土而流、土

得水而柔、除佳加水、長沙耆舊傳云、祝良、字石卿、

爲洛陽令、歲時亢旱、天子祈雨、不得、良乃曝身階

庭、告誠、引罪、自晨至午、紫雲水起、甘雨登降、人爲

宋云古本元  
是水起與管



輅別傳山雲  
樓起皆雨狀

也俗人妄改  
作沓起一字

之謬生死判  
然

譚云魚復享  
牲耶

歌曰天久不雨，烝人失所，天王自出，祝令特苦，精

符感應，滂沱下雨，則縣司及河南尹、治司、隸周官

也。漢武帝使領徒隸董督京畿，因名司州焉。地記

曰：洛水東入于中提山，間東流會于伊，是也。昔黃

帝之時，天大霧三日，帝遊洛水之上，見大魚，鯨五

牲以醮之，天乃甚雨。七日七夜，魚流始得圖書，今

河圖視萌篇是也。昔王子晉好吹鳳笙，招延與道

士浮丘同遊伊洛之浦，舍始又受玉雞之儒瑞於

此水。舍始當作舍始，儒字衍。帝王世紀曰：漢高帝

母曰舍始，遊于洛池，有玉雞銜赤珠出，刻曰亦洛神宓妃之所在也。洛水又

東合水南出半石之山北，逕今水塢。疑作而東北

流注于公路澗，但世俗音譌號之曰光祿澗，非也。

上有袁術固，四周絕澗，迢遞百仞，廣四五里，有一

水淵而不流，故谿澗即其名也。合水北與劉水合

水出半石東山西北，流于劉聚，三面臨澗，在緱氏

西南，周畿內劉子國，故謂之劉澗，其水西北流注

于合水，合水又北流注于洛水也。

又東過偃師縣南



洛水東逕計素渚中朝時百國貢計所頓故渚得其名又東偃師故縣南與緱氏分水又東休水自南注之其水導源少室山西流逕穴山南而北與少室山水合水出少室北溪西南流注休水休水又左會南谿水發大穴南山北流入休水休水又西南北屈潛流地下其故瀆北屈出峽謂之大穴口北歷覆釜堆東蓋以物象受名矣又東屈零星塢水流流字似衍潛通重源又發側緱氏原開山圖謂之緱氏山也亦云仙者昇焉言王子晉控鶴斯阜

靈王望而不得近舉手謝而去其家得遺屣俗亦謂之爲撫父堆堆上有子晉祠或言在九山非此世代已遠矣莫能辨之劉向疑脫列字仙傳云世有簫

管之聲焉休水又逕延壽城南緱氏縣治故滑費春秋滑國所都也王莽更名中亭卽緱氏城也城有仙人祠謂之仙人觀休水又西轉北屈逕其城西水之西南有司空密陵光侯鄭廟碑文缺不可復識又有晉城門校尉昌原恭侯鄭仲林碑晉皇始六年立休水又北流注于洛水洛水又東逕百



谷塢北戴延之西征記曰塢在川南因而宋本爲作高

塢高一十餘丈劉武王西入長安舟師所堡也

洛水又北陽渠水注之

竹書紀年晉襄公六年洛絕于洵卽此處也洛水

又北逕偃師城東東北歷鄆中水南謂之南鄆中

水之南鄆亦曰上鄆也逕訾城西司馬彪所謂訾

聚也而鄆水注之水出北山鄆谿其水南流世謂

之溫水泉水側有重童一作人穴穴中有僵尸戴延

之從劉武王西征記曰有此尸尸今猶在夫物無

不化之理。竟無不遷之道。而此尸無神識事同木

偶之狀。喻其推移。未若正形之速遷矣。鄆水又東

南於訾城西北東入洛水故京相璠曰今鞏洛渡

北有鄆谷水東入洛謂之下鄆故有上鄆下鄆之

名亦謂之北鄆於是有南鄆北鄆之稱矣又有鄆

城蓋周大夫鄆盼之舊邑

洛水又東逕訾城北又東羅水注之

出方山羅川西北流蒲池水注之疑脫水字出南浦陂

西北流合羅水謂之長川羅亦曰羅中也蓋盼子



鄠羅之宿居故川得其名耳

盼當作肸左傳昭二十三年王子朝入于

王朝鄠羅納諸莊宮杜預云鄠羅周大夫鄠肸之子也

羅水又西北白馬谿

水注之水出崧山北麓逕白馬塢東而北入羅水

西北流白相澗水注之水出嵩麓桐谿北流逕九

山東又北九山東谿水入焉水出百稱山東谷其

山孤峰秀出巉嶢分立仲長統曰昔密有十城者

身遊九山之土放心不拘之境謂是山也山際有

九山廟廟前有碑云九顯靈府君者太華之元子

陽九列名號曰九山府君也南據崧岳北帶洛澗

晉元康二年九月太歲庚午帝遣殿中

一作太歲在戊皇帝

遣云云按世譜晉元康二年太歲在壬子而用歷經推之是年九月乙亥朔無庚午日也

中郎

將關內侯樊廣緱氏令王與傳演

宋本作緱氏令王與主簿傳演

奉宣詔命興立廟殿焉又有百蟲將軍顯靈碑碑

云將軍姓伊氏諱益字隤斨帝高陽之第二子伯

益者也

史記秦本紀云顓頊之裔孫大業生大費佐舜調馴鳥獸是為栢翳索隱云伯翳即

尚書之伯益列女傳云臯子五歲而贊禹曹大家注云臯子者臯陶之子伯益也此碑謂益字隤斨

帝高陽之第二子與史記異左傳所記隤斨庭堅並高陽氏之子杜元凱左傳注又云臯陶字庭堅

則父子同在八愷之中不應並時而舉也晉元康五年七月七日順人



吳義等建立堂廟永平元年二月二十日刻石立  
頌贊示後賢矣其水東北流入白相澗又北逕袁  
公塢東蓋公路始固有此也故有袁公之名矣北  
流注于羅水羅水又西北逕袁公塢北又西北逕  
潘岳子父墓前有碑岳父此瑯琊太守碑石破落  
文字缺敗岳碑題云給事黃門侍郎潘君之碑碑  
云君遇孫秀之難闔門受禍故門生感覆醢以增  
慟乃樹碑以記事太常潘尼之辭也羅水又於訾  
城東北入于洛水也

又東北過鞏縣東又北入于河

洛水又東明樂泉注之水出南原下三泉並導故  
世謂之五道泉卽古明谿泉也春秋昭公二十二  
年師次于明谿者也洛水又東逕鞏縣故城南東  
周所居也本周之畿內鞏伯國也春秋左傳所謂  
尹文父一作公涉於鞏卽於此也洛水又東濁水注  
之卽古湟水也水出南原京相璠曰訾城北三里  
有黃亭卽此亭也春秋所謂次于黃者也洛水又  
東北洞水發南谿石泉世亦名之爲石泉也京相



璠曰鞏東地名坎欲在洞水東疑卽此水也又逕盤谷塢東世又名之曰鹽谷水司馬彪郡國志鞏有坎欲聚春秋僖公二十四年王出及坎欲服虔亦以爲鞏東邑名也今考厥文若狀焉而不能精辨耳晉太康地記晉書地道記並言在鞏西非也其水又北入洛

洛水又東北流入于河

山海經曰洛水成臯西入河是也謂之洛汭卽什谷也故張儀說秦曰下兵三川塞什谷之口謂此

川也史記音義曰鞏縣有鄠谷水者也

史記張儀傳云塞斜

谷之口徐廣音義曰斜一作尋成臯鞏縣有尋口

黃帝東巡河過洛修壇

沈璧受龍圖于河龜書于洛赤文篆字堯帝又循壇河洛擇良議沈榮光出河休氣四塞白雲起迴風逝赤文綠色廣袤九尺負理平上有列星之分

譚云如霞霄笈錄之語雖世不經用亦何可不挂目

什政之度帝王錄記興亡之數以授之又東沈書於日稷赤光起玄龜負書背甲赤文成字遂禪於舜舜又習堯祀沈書於日稷赤光起玄龜負位

疑作

至于稷下榮光休至黃龍卷甲舒圖壇畔赤文



綠錯以授舜舜以禪禹殷湯東觀於洛習禮堯壇  
降璧三沈榮光不起黃魚雙躍出濟於壇黑鳥以  
浴隨魚亦上化爲黑玉赤勒之書黑龜赤文之題  
也湯以伐桀故春秋說題辭曰河以道坤出天苞  
洛以流川吐地符王者沈禮焉竹書紀年曰洛伯  
用與河伯馮夷鬪蓋洛水之神也昔夏太康失政  
爲羿所逐其昆弟五人須於洛汭作五子之歌於  
是地矣

伊水出南陽縣西蔓渠山

山海經曰蔓渠之山伊水出焉淮南子曰伊水出  
上魏山地理志曰出熊耳山卽麓大同陵巒互別  
耳水自熊耳東北逕鸞川亭北茲水出茲山北流  
際其城東而北入伊水世人謂伊水爲鸞水茲水  
爲交水故名斯川爲鸞川也又東爲淵潭潭渾若  
沸亦不測其深淺也伊水又東北逕東亭城南又  
屈逕其亭東東流者也

宋本作  
東北流

東北過郭落山

陽水出陽山陽谿世人謂之太陽谷水亦取名焉



水經注

山海經作北流

入伊水伊水又東北鮮水入焉水出

鮮山北流注于伊伊水又與蠻水合水出盧氏縣

之蠻谷東流入于伊

又東北過陸渾縣南

山海經曰瀟瀟之水出於釐山南流注于伊水今

水出陸渾縣之西南王母澗澗北山上有王母祠

故世因以名谿東流注于伊水即瀟瀟之水也伊

水歷岨口山峽也翼岨深高壁立若闕岨上有塢

伊水逕其下歷峽北流即古三塗山也杜預釋地

曰山在縣南闕駟十三州志云山在東南今是山

在陸渾故城東南八十許里春秋昭公四年司馬

侯曰四嶽三塗陽城太室荆山中南九州之險也

服虔曰三塗大行轅轅嶠鼃非南望也京相璠之

著春秋地名亦云山名也以服氏之言云塗道也

準周書南望之文服言宜為轅轅大道伊闕皆為

非也春秋晉伐陸渾請有事於三塗知是山明矣

有七谷水注之水西出女机山之南七谿山上有

西王母祠東南流注于伊水又北蚤谷水注之水

朱云亦自精博



出女机山之東谷東逕故亭南東流入于伊水伊  
水又東北逕伏流嶺東嶺上有崑崙祠民猶祈焉  
劉澄之永初記稱陸渾縣西有伏流坂者也今山  
在縣南崖口北三十里許西則非也北與溫泉水  
合水出新城縣之狼罽山之西南阜下西南流會  
于伊水伊水又東北逕伏睹嶺左納焦澗水水西  
出鹿臍山東流孤山南其山介一作立豐上單秀  
孤峙故世謂之方山卽劉中書澄之所謂縣有孤  
山者也東歷伏睹嶺南東流注于伊伊水又東北

涓水注之水出陸渾西山卽陸渾山者也尋郭文  
之故居訪胡昭之遺像世去不停莫識所在晉書

字文舉河內軹人也少愛山水尚嘉遯父母服畢  
辭家游名山洛陽陷乃步擔入吳興餘姚大辟山  
中而居焉魏志云胡昭字孔明潁川人居陸渾山  
中躬耕樂道以經籍自娛閭里敬而愛之寇賊到  
陸渾南長樂亭自相約誓言胡居士賢者也一不  
得犯其部落一川賴昭咸無怵惕其水有二源俱  
導而東注號略在陸渾縣西九十里也司

馬彪郡國志曰縣西號略池春秋所謂東盡於號  
略者也北水東流合侯澗水澗出西北侯谿東南  
流注于涓水涓水又東逕陸渾縣故城北平王東



遷辛有適伊川見有被髮而祭於野者曰不及百  
年此其戎乎魯僖公二十二年春晉遷陸渾之戎  
于伊川故縣氏之也涓水東南流左合南水水出  
西山七谷亦謂之七谷水祖澗東逝歷其縣南又  
東南左會北水亂流左合禪渚渚水上承陸渾縣  
東禪渚渚左原上陂方十里佳饒魚葦一作山葦  
海經所謂南望禪渚禹父之所化郭景純注云一  
禪音暖山海經云青要之山北望河曲南望鯀化  
禪渚禹父之所化郭景純云禪音填羽淵而復在此然已變怪亦無往而不化矣世謂

譚云當作禪

此澤爲慎望陂陂水南流注于涓陽水涓陽水又東  
南注于伊水昔有莘氏女采桑于伊川得嬰兒於  
空桑中言其母孕於伊水之濱夢神告之曰曰水  
出而東走母明視而見曰水出焉告其鄰居而走  
顧望其邑咸爲水矣其母化爲空桑子在其中矣  
莘女取而獻之命養於庖而長有賢德殷以爲尹  
曰伊尹也

譚云養於庖  
便是割烹疑  
胎

又東北過新城縣南

馬懷橋長水出新城西山東逕晉使持節征南將



軍宋均碑南均字文平縣人也其碑太始三年十

二月立其水又東流入于伊又有明水出梁縣西

狼羆山俗謂之石澗水也西北流逕楊亮壘南西

北合康水亦出狼羆山東北流逕范塢北與明水

合北汶汶字疑誤西南流入于伊山海經曰放臯之山

舊本作放羆郭景純注山海經明水出焉南流注

于伊水是也伊水又與大戟水會出渠一作梁縣西

水有二源北水出廣城西南西南逕楊志塢北與

南水合水源南出廣城澤西流陸渾河南十二縣

簿曰廣城澤在新城縣界黃臯西北流屈而東逕

楊塢南又北屈逕其塢東又逕塢北同注老倒澗

俗謂之老倒澗水西流入于伊伊水又北逕新城

東與吳澗水會水出縣之西山東流南屈逕其縣

故城西又東轉逕其縣南故蠻子國也縣有鄆聚

今名蠻中是也漢惠帝四年置縣其水又東北流

注于伊水伊水又逕西北當階城西大狂水入焉

水東出陽城縣之大誓口山海經曰大誓之山多

瑋、琇之玉其陽狂水出焉西南流其中多三足龜

下西山  
疑衍



人食之者無大疾可以已腫狂水又西逕綸氏縣

故城南竹書紀年曰楚吾得帥師及秦伐鄭圍綸

氏者也左與倚薄山水合水北出倚薄之山南逕

黃城舊本作城黃西又南逕綸氏故城東而南流注于

狂水狂水又東宋本作西八風谿水注之水北出八風

山南流逕綸氏城西西南流入于狂水狂水又西

得三交水口水有二源各導一谿並出山南合流

故世有三交之名也其水西南流注于狂水狂水

又西逕岳高山北西南與湮水合水出東北湮谷

西南流逕武林亭東北又屈逕其亭南其水又西

南逕湮陽亭東蓋藉水以名亭也又東南流入于

狂狂水又西逕湮陽城南又西逕當階城南而西

流注于伊伊水又北上溝水古本上溝一作土溝出玄望西

山一作山西東逕玄望山南又東逕新城縣故城北東

流注于伊水伊水又北板橋水入焉水出西山東

流入于伊水伊水又北會厭澗水水出西山東流

逕邠垂邠音審亭南春秋左傳文公十七年秋周甘

斂敗戎於邠垂者也服虔曰邠垂在高都南杜預



釋地曰河南新城縣北有邠垂亭司馬彪郡國志

曰新城有高都城今亭在城南七里遺基猶在一本

有焉京相璠曰舊說言邠垂在高都南今上黨有

高都縣余謂京論踈遠未足以證無如虔說之旨

密矣其水又東注于伊水伊水又北逕高都城東

徐廣史記音義曰今河南新城縣有高都城竹書

紀年梁惠成王十七年東周與鄭高都利者也又

來需之水出于半石之山西南流逕斌輪城北西

歷芟澗一作艾澗水以其西流又謂之小狂水也其水

又西南逕大石嶺南開山圖所謂大石山也山下

有大石嶺碑河南隱士通明以漢靈帝中平六年

八月戊辰於山堂立碑文字淺鄙殆不可尋魏文

帝獵於此山虎超乘輿孫禮拔劍投虎於是山山

在洛陽南而劉澄之言在洛東北非也山阿有魏

明帝高平陵王隱晉書曰惠帝使校尉陳總仲元

詣洛陽山請雨總盡除小祀唯存大石而祈之七

日大雨卽是山也來需之水又西南逕赤眉城南

又西至高都城東西入伊水謂之曲水也

譚云大為陽  
不鞭而祈之  
亦亦好諛耶



水經注 卷十五 伊水

又東北過伊闕中

伊水逕前亭西左傳昭公三十二年晉箕遺樂徵

三十二年左傳作二十二年跪作詭

京相

右行跪濟師取前城者也

潘曰今洛陽西南五十里伊闕外前亭矣服虔曰

前讀為泉周地也伊水又北入伊闕昔大禹疏以

通水兩山相對望之若闕伊水歷其間北流故謂

之伊闕矣春秋之闕塞焉昭公二十六年趙鞅使

女寬守闕塞是也陸機云洛有四闕斯其一焉東

巖西嶺並鑄石開軒高薨架峰西側靈巖下泉流

東注入于伊水傅毅反都賦曰因龍門以暢化開

伊闕以達聰也闕左壁有石銘云黃初四年六月

二十四日辛巳大出水舉高四丈五尺齊此已下

蓋記水之漲滅也石壁又有石銘云永康五年河

南府君循大禹之軌部督郵辛曜新城令王琨部

監作掾董猗李褒斬岸開石平通伊闕石文尚存

也

又東北至洛陽縣南北入于洛

譚云此記極淺近却遠極質實却超極簡少却勝多



水同注公路澗入于洛今無水戰國策曰東周欲為

田西周不下水蘇子見西周君曰今不下水所以

富東周也民皆種他種欲食之不如下水以病之

東周不必復種稻種稻而復奪之是東周受於君

矣西周遂下水即是水之故渠也伊水又東北枝

渠左出焉水積成湖北流注于洛合伊水伊水又

東北至洛陽縣南逕員丘東大魏郊天之所準漢

故事建之漢書郊祀志曰建武二年初制郊兆於

洛陽城南七里為圓壇八陛中又為重壇天地位

其上皆南向其外壇上為五帝位其外為壇重營

皆紫以像紫宮按禮天子大裘而冕祭昊天一作

上帝於此今衮冕也壇壝無復紫矣伊水又東北

流注于洛水廣志曰廣志以上疑有脫落鯢魚聲如小兒有

四足形如鱧可以治牛出伊水也司馬遷謂之人

魚故著其一作其史記曰始皇帝之葬也以人魚膏

為燭徐廣曰人魚似鮎而四足即鯢魚也按山海經伊水

出蔓渠山東流注于洛又云厭染之水出傅山之

陽南流注于洛其中多人魚不云伊水豈古今相

譚云老人為鯢齒鯢聲又似小兒宜其稱人也



灑水出河南穀城縣北山

縣北有潛亭灑水出其北梓澤中梓澤地名也澤北對原阜卽裴氏墓塋所在碑闕存焉其水歷澤東南流水西有一原其上平敞古舊亭之處也卽潘安仁西征賦所謂越街郵者也

### 東與千金渠合

周書曰我卜灑水西謂斯水也東南流水西南有帛仲理墓墓前有碑題云真人帛君之表仲理名護益州巴郡人晉永寧二年十一月立灑水又東

南流注于穀穀水自千金塢東注謂之千金渠也又東過洛陽縣南又東過偃師縣又東入于洛澗水出新安縣南白石山

山海經曰白石之山惠水出于其陽東南注于洛

澗水出于其陰北流注于穀

山海經作南流注于洛西北流注于穀

世謂是山曰廣陽山水曰赤岸水亦曰石子澗地理志曰澗水出新安縣東南東入洛是爲密矣東北流歷函谷東坂東謂之八特坂山海經曰北流注于穀摯仲治三輔決錄注云馬氏兄弟五人共



居穀澗二水之交

古本作澗穀御覽引此同今吳本改作穀澗

作五門客

因舍以為名今在河南西四十里以山海經推按里數不殊仲治所記水會尚有故居處斯則澗水也

即周書所謂我卜澗水東言水者是也

御覽引此無言水二字

字

東南入于洛

孔安國曰澗水出澗池山今新安縣西北有一水北出澗池界東南流逕新安縣而東南流入于穀水安國所言當斯水也然穀水出澗池下合澗水

得其通稱或亦指之為澗水也並未詳之耳今孝水東十里有水世謂之慈澗又謂之澗水按山海經則少水也而非澗水蓋習俗之誤耳又按河南有離山水謂之為澗水水西北出離山東南流注于離山澗水也又東南流歷邾山於穀城東而南流注于穀舊與穀水亂流流同一作南入于洛今穀水東入千金渠澗水與之俱東入洛矣或以是水並為周公之所相卜也呂忱曰今河南使水疑其是即此水也然意所未詳故並書存之耳



其長明北水也然

水並流周公之視味

熾木東入千金乘

流至于豫書與熾木

于辨山脈水出又東南

汭辨山水謂之然

水東十里

水經注卷十五

水經注卷十五





程